



Иийсас беана, Марка дІаязбина болу хаза кхаъ

Иийсас беанчу, Марка дІаязбинчу хазачу кхоо хоуьйту «Дала леррина кьобалвинчу Делан КІантах Иийсах лаьцна хаза кхаъ» хилар. ГІуллакхаш кхочуш деш волу а, оалалла долуш волу а стаг Иийса вуйла гойтуш ду тептар тІехъ. Цо адамашка кхайкхам барехъ а, жинашна тІехъ нуьцкъала Иза хиларехъ а, нехан кьиношна Цо гечдарехъ а Цуьнан оалалла гуш ду. Шаьш летиначу кьинойх адамаш паргІатдахархьама, Шен дахар дІадала веана ву Ша-Шех Адамийн КІант олу Иийса.

Иийсах лаьцна долу тептар хала йоцучу а, хьуьнаречу а кепехъ яздина ду *Марка*. И тептар яз деш, уггар хьалха Иийсас диначун, ткъа цул тІаьхьа бен Цуьнан дешнийн а, хьехамийн а чІагІо ца йо яздархочо. Нах хих чекхбохучу Яхьья а, Иийса хих чекхваккхарх а, Иза зерах а лаьцна долу тептаран доца дІадолор (1:1-13) чекхдаьлча, Иийсас нах тобарх а, нахана хьехам барх а лаьцна дийца доладо Марка (1:14-9:50). Хан мел йолу а, Иийсан мурдаш Цунах дика кхета буьйлало, амма Цуьнан мостагІийн гамо алсамйолуш хуьлу (10:1-52). Тептар дерзош долу кортош (11-16 кортош) Иийсан кху дуьнен тІехъ долчу дахаран тІаьхьарчу кІиранна чохъ хиллачу гІуллакхех лаьцна ду. Цу кортошкахъ чІогІа леррина дуьйцуш ду Иийса жІарах дІатохарх а, Иза веллачуьра денваларх а лаьцна.

Тептаран уггар тІаьхьарчу коьртан дерзоран дакъа (16:9-20) кьовларш юкъа лаьцна ду, хІунда аьлча дукхахьолахъ хетало, и дакъа *Марк а* воцуш, кхечу стага яздина хилар.

*Дала леррина Кьобалвинарг гучуваларна
адам кечдо Яхьья-пайхамаро
(Маттай 3:1-12; Лака 3:1-18; Яхьья 1:19-28)*

1 ¹Дала леррина кьобалвинчу Делан КІантах Иийсах лаьцна хаза кхаъ болабелла иштга. ²ЕшаІ-ЯхІу-пайхамаро шен заманахъ яздинера: «Хьажал! Хьуна хьалха Сайн геланча воуьйту Ас. Цо Хьуна некъ кечбийр бу.

³ Яьссачу аренгахъ кхойкхучун аз хезаш ду:

„Везачу Элана некъ кечбе,
нисде Цунна хьалха некъан тачанаш“».

⁴Иза кхочушхуьлуш гучувелира Яхьья. Цо, яьссачу араьхъ адамаш хих чекх а дохуш, кхайкхам бора: «Далла тІе а дерзий, шаьш хих чекхдахийта, Деле шайн кьиношна гечдайтархьама». ⁵ЯхІуд-махкара а, Ярушалаймера а дукха адам догІура цунна тІе. Далла хьалха шайх даьлчачу кьиношна дохко а бовлий, Йордан-хи чохъ шаьш хих чекхбохуьйтура наха Яхььяга. ⁶Цо эмкалан тІергІах дина духар леладора, шуьйра тІаьрсиган доьхка а доьхкура. ЦІоз а, акха моз а дуура Яхььяс. ⁷Адамашна иштга хьехамаш бора цо: «Барам боцуш сол нуьцкъалниг вогІу суна тІаьхьхе. Цунна хьалха ур-атталла гора а хІоьттина, Цуьнан мачийн бахтарш дІадаста хьакъ вац со. ⁸Аса шу хих чекхдоху, ткъа Цо Делан Синах дузор ду шу».

*Иийса хих чекхваккхар
(Маттай 3:13-4:11; Лака 3:21, 22; 4:1-13)*

⁹Оцу деношкахъ Галилай-махкара Назарт-гІалара Иийса а веара цига. Цо Яхььяга Йордан-хи чохъ Ша хих чекхваккхийтира. ¹⁰Иийса хи чуьра хьалаволлушехъ, Цунна а гуш, стигалш дІаеллаелира. Кхокханан суьртехъ Делан Са доьссира Цунна тІе. И Делан Са Иийсана чу дуьйлира. ¹¹Ткъа стигалара аз хезира:

«Хьо ву Сан хьоме КІант! Хьоьца бу Сан лаам».

¹²Цу сохьта Делан Сино Иза яьссачу аренда вахийтира. ¹³Цигахъ иблисо зуьйш, шовзткъа де даьккхира Иийсас. Акхарошна юкъахъ Іаш вара Иза, маликаша Цунна гІуллакх а деш.

*Иийсас мурдаш кьастабо
(Маттай 4:12-22; Лака 4:14, 15; 5:1-11)*

¹⁴Яхьья, схъа а лаьцна, чувоблинчул тІаьхьа, хаза кхаъ кхайкхош, Иийса Галилай-махка вахара. ¹⁵Цо олура: «Хан тІекхьячна. Делан Оалалла гергакхьячна. Шайгара девлачу кьиношна дохко а довлий, Далла тІе а дерзий, хазачу кхоах теша».

¹⁶Галилай-Юмана юххехула чекхволуш, ШамІа а, цуьнан ваша Іандар а гира Иийсана. Уьш чІерий лоцу бой хи чу тосуш бохкура, шаьш чІерий-лецархой болу дела. ¹⁷Иийсас элира цаьрга: «Суна тІаьхьахІитта, ткъа Аса хІинца дуьйна адамийн синош лецархой дийр ду шух». ¹⁸Уьш, сихонца шайн бойнаш а йитина, Иийсана тІаьхьахІиттира.

¹⁹Дехьо ваьлча, Цунна Зевадин кІант Якъуб а, цуьнан ваша Яхьья а гира. Уьш хинкеман чохъ чІерий лоцу бойнаш тоеш бара. ²⁰Иийсас цу

^{1:2} Малъаки 3:1.

^{1:3} ЕшаІ-ЯхІу 40:3 (Грекийн). ^{1:6} Сулим 1:8. ^{1:11} Доладалар 22:2; Забур 2:7; ЕшаІ-ЯхІу 42:1; Маттай 3:17; 12:18; Марк 9:7; Лака 3:22. ^{1:15} Маттай 3:2.

сохъта уыш схъакхайкхира, ткъа вуыш, шайн да Зевади белхалошца хинкеман чохъ а витина, Цунна тIаьхъа хIиттира.

*Жинаша хыйзош волу стаг
(Лака 4:31-37)*

²¹ Уыш Къапарнаме дIабуйлабелира. Шоьтан де тIе ма деана, Иийсас гуламан цIа чу а вахана, адамашна хъехамаш бира. ²² Нах цецбуйлура Цуьнан хъехамех, хIунда аьлча Iеламчу наха санна а доцуш, олалла долчо санна хъоьхура Иийсас.

²³ ЦIехъхана гуламан цIа чохъ жинаша хыйзош волу стаг гучувелира, мохъ а хъоькхуш: ²⁴ «Хъан хIун гIуллакх ду тхоьца Назартара Иийса? Тхо хIаллакдан веана Хъо? Суна хаьа Хъо мила ву — Делан Везаниг!»

²⁵ Иийсас омра дира жине: «ДIасаца! Арадала цунна чуьра!» — аьлла.

²⁶ ТIаккха, и стаг дIаса а витина, чIогIа мохъ а хъаькхна, цунна чуьра араделира жин. ²⁷ Чохъ берш чIогIа цецбевлла, вовшашка хетта буйлабелира: «И хIун керла хъехам бу? Ур-атталла жинашна тIехъ а олалла до Цо, ткъа вукхара Цуьнан омре ладугIу».

²⁸ Дукха хан ялале Иийсах лаьцна Галилай-махкахъ массо а меттхъ дуьйцуш дара.

*Иийсас дукха адам тодо
(Маттай 8:14-17; Лака 4:38-41)*

²⁹ Иийса Яхъьаца а, Якъубца а гуламан цIа чуьра ара ма велли, ШамIа а, Iандар а волчу цIа вахара. ³⁰ ШамIин стуннана чIогIа дагар долуш меттахъ яра, цара цунах лаьцна дийцира Иийсага. ³¹ Иийсас, тIе а вахана, куьг а лаьцна, хъалагIатта гIо дира зудчунна. Оцу сохъта дагар дIа а даьлла, царна хъошалла дан йолаелира цомгушниг.

³² Сарахъ, малх чубуьзначу хенахъ, цигара массо цомгушнаш а, жинаша хыйзош берш а балийра Иийсана тIе. ³³ Дукха адам гулделла дIахIоьттинера неIаре. ³⁴ Тайп-тайпана цамгарш йолу дукха нах тобира Цо. Дукха жинаш а нахана чуьра арадехира Иийсас, амма, Ша царна вевзий хууш, Иийсас ца магадора, Ша мила ву дийца.

³⁵ Гуьйранна, сатасале, цIера ара а ваьлла, цхъа а адам доцучу метте вахара Иийса. Цигахъ Цо доIа дира. ³⁶ Ткъа ШамIагIар Иза лаха арабевллера. ³⁷ И карийча, цара элира Иийсага: «Массо а Хъо лобхуш ву». ³⁸ Ткъа Иийсас элира цаьрга: «Дуьло, юххехъ йолчу гIаланашка а, ярташка а гIо вай, цигахъ хъехамаш бан, хIунда аьлча Со цунна веана ма ву».

³⁹ Галилай-махкахула жуьгтийн гуламан цIеношкахъ нахана хъехамаш а беш, жинаша хыйзош болчарна чуьра жинаш ара а дохуш, вахара Иийса.

1:22 Маттай 7:28, 29. 1:39 Маттай 4:23; 9:35.

*Иийсас дIа ца йоьрзу чкъуран цамгар йолу стаг тово
(Маттай 8:1-4; Лака 5:12-16)*

⁴⁰ ДIа ца йоьрзу йолу чкъуран цамгар йолуш цхъа стаг веара Иийсана тIе. Иийсана хъалха гора а воьжна, шена гIо дар а доьхуш, цо элира: «Хъайна лиьча, со товийр вара-кх Ахъа».

⁴¹ Цу стагах дукха къа а хетта, цунах куьг а Iоьттина, Иийсас элира: «Суна лаьа хъо товала! ЦIанло!» ⁴² Цу сохъта, и цамгар дIа а яьлла, цу стеган дегI цIанделира. ⁴³ Иийсас, и стаг сихонца дIа а хъажош, чIогIа тIедилларца элира цуьнга: ⁴⁴ «Варелахъ, хиллачух лаьцна цхъаьнгге а ма дийцалахъ. Ткъа хIинца ваха а гIой, хъо динан дега а гайтий, Муса-пайхамаро тIе мадиллара, Далла лерина сагIанаш даха. Хъо товаларан тоьшаллина хир ду иза нахана хъалха».

⁴⁵ Амма вукхо вахана массанхъа дийцина хиллачух лаьцна, цундела, ма-бохху гIалахъ гучувала йиш ца хиларна, адам кIеззиг долчу меттигашкахъ соцура Иийса. ХIетте а массанхъара а адам догIура Цунна тIе.

*Иийсас дегIан дола ца далуш волу стаг тово
(Маттай 9:1-8; Лака 5:17-26)*

2 ¹ Масех де даьлча, Иийса Къапарнаме юхавирзира. Иза цIа вирзина аьлла, хабар даьржира. ² И волчу дукха адам гулделира, неIарехула чувала меттиг а ца юьсуш, ткъа Иийсас царна хъехамаш бора. ³ Баьккинчарна юкъахъ шен дегIан дола ца далуш волу стаг айина вахъаш веана виь стаг вара. ⁴ Амма адам тIех дукха хиларна, уыш Иийсана тIе ца кхачалора. ТIаккха цара, Иийса чохъ волчу цIенна тIехула болчу тхов тIе а бевлла, тховх Iуьрг а даьккхина, цомгушниг шен мотт-гIайбица чу а воссийна, Иийсана хъалха охъавилира. ⁵ Церан Шех тешар гича, цомгушчуьнга Иийсас элира: «Сан кIант, хъан къиношна гечдина».

⁶ Цигахъ хиьна Iаш масех Iелам стаг вара. Шайн дагахъ цара бохура: ⁷ «Иза хIун ду те хIокху стага дуьйцург. Цо ма Iеса къамел до. Къиношна гечдан хъенан бакъо ю, цхъа Дела воцучун?»

⁸ Цу сохъта, церан дог-ойла хууш, Иийсас цаьрга элира: «ХIун ойланаш ю аша йийраш? ⁹ Цомгушчуьнга ала хIун ду атта: „Хъан къиношна гечдина“, я: „ХъалагIатта, хъайн мотт-гIайба а эций, дIагIо“? ¹⁰ Амма Суна лаьа шуна хайита Адамийн КIентан дуьнен тIехъ къиношна гечдан олалла дуьла». ТIаккха цомгушчуьнга Иийсас элира: ¹¹ «Ас боху хъоьга! Хъала а гIаттий, хъайн мотт-гIайба схъа а эций, цIа гIуо!»

¹² Важа, сикха хъала а гIаьттина, шен мотт-гIайба а эцна, массарна а гуш аравелира. Чохъ болчара чIогIа инзарбевлла, Далла хастамаш беш, бохура: «Тхуна цкъа а ца гина хIуманаш ду-кх хIорш!»

1:44 Iамальяр 14:1-32.

*Левига тIекхайкхар**(Маттай 9:9-13; Лака 5:27-32)*

¹³ Юха а Иоман берда тIе веара Иийса. Цунна тIе дукха адам деара, ткъа Иийса царна хъехамаш бан волавелира. ¹⁴ Юххехула чекхволуш, Цунна ХIалпайн КIант Леви гира, ял схъагулъеш болчеран бун чохъ хиъна Iаш. Иийсас элира цуьнга: «Суна тIаьххье схъавола!» Леви, хъала а гIаьттина, Цунна тIаьххье дIавахара.

¹⁵ Цхъана дийнахъ Иийса Левин цIахъ хIума юуш вара. Дуккха а ял йоккхурш а, къинош летийна болу нах а бара Цуьнца а, Цуьнан мурдашца а, хIунда аьлча Иийсана тIаьхъахIиттинарш алссам бара. ¹⁶ Къинош летийна болчу нахаца а, ял йоккхуш болчаьрца а Иийсас хIума юуш а гина, парушхойн^д юкъара Iеламчу наха хаьттира Цуьнан мурдашка: «Ял йоккхуш болчу а, къинош летийна болчу а нахаца хIума хIунда йоу Цо?» — аьлла.

¹⁷ Иийсас, и хезна, элира: «Могуш болчарна лор оьшуш вац, цомгуш болчарний бен. Бакъаьбара лелачаьрга кхайкхам бан ца веана Со, къинош летийначаьрга бен».

*Марха кхабарх лаьцна**(Маттай 9:14-17; Лака 5:33-39)*

¹⁸ Оцу хенахъ Яхъьян мурдаш а, парушхойн мурдаш а марханаш кхобуш бара. Цкъа масех стага, тIе а веана, хаьттира Иийсага: «И хIун ду? Яхъьян мурдаша а, парушхоша а марха кхобу, ткъа Хъан мурдаша цкъа а марха кхобуш ма ца го?!»

¹⁹ Иийсас жоп делира царна: «Масала, зуда ялийна меттиг хилча, зуда ялош волчун накъосташа и зуда ялош верг шайна юкъахъ мел ву, марха кхобур дуй, шаьш гIайгIане хилар гойтуш? И стаг шайца мел ву, церан марха кхаба йиш яц. ²⁰ Ткъа цхъа хан йогIур ю, и зуда ялийнарг дIа а вигна, тIаккха цара марха а кхобуш, уьш сингаттаме а хуьлуш».

²¹ ТIаккха Иийсас кхин а цхъа хъекъале дустар далийра царна: «Ширачу духар тIе, керлачу кIадих а яьккхина, йома латор яц цхъаммо а, хIунда аьлча и йома тIеттIа а яхана, бедар тIе а оьзна, и Иуьрг кхин а доккха хир ду. ²² Я цхъаммо а керла чагIар ширачу пIаьлдиг^д чу ца дутту, хIунда аьлча и пIаьлдиг а бетIар бу, чагIар а Iенар ду. Керла чагIар керлачу пIаьлдиг чу дутту».

*СадоIучу шоьтан дийнахъ буьртигаш схъадахар**(Маттай 12:1-8; Лака 6:1-5)*

²³ Цкъа шоьтан дийнахъ кIа дийначу арахула чекхволуш вара Иийса. Цуьнан мурдаша цигахула бовлуш кIен кенаш схъадохура. ²⁴ ТIаккха и гиначу парушхоша хаьттира Цуьнга: «Хъажахъ, Дала кхоьллинчу шоьтан

садоIучу дийнахъ дан мегаш доцу гIуллакх хIунда до цара?» — аьлла. ²⁵ Ткъа Иийсас жоп делира царна: «Аша ца дешна, Дауд-паччахьо ша а, шен накъостий а мацбелча, динчух лаьцна? ²⁶ Иза, динан коьрта да Абу-ЯтIари волчу хенахъ, Делан цIа чу а вахана, Далла къобалдина долу бепиг схъа а эцна, ша а дийна цо, шеца болчу накъосташна а делла. Ткъа и бепиг динан дайшна бен даа мегаш ца хилла».

²⁷ КхидIа а Иийсас элира цаьрга: «Шоьтан де адамашна кхоьллина ду, амма адам кхоьллина дац шоьтан денна. ²⁸ Цундела Адамийн КIант Дала кхоьллинчу шоьтан денна тIехъ а Эла ву».

*Иийсас куьг заьIап долу стаг тово**(Маттай 12:9-14; Лака 6:6-11)*

3 ¹ Цхъана шоьтан дийнахъ юха а гуламан цIа чу веара Иийса. Цигахъ куьг заьIап долуш цхъа стаг вара. ² Цхъадолу адамаш чIогIа Иийсан тергам беш дара, Далла леринчу шоьтан дийнахъ Цо дарба до те я ца до те хьоьжуш, юха Иза бехке вархъама. ³ Иийсас куьг заьIап долчу стаге элира: «Хъала а гIаттий, массарна хъалха дIахIотта».

⁴ ТIаккха оцу нахе Иийсас хаьттира: «ХIун боху бакъоно, Далла леринчу шоьтан дийнахъ хIун дан мегаш ду, дика я вон? Стеган дахар кIелхъар-даккха я иза хIаллакдан?»

Ткъа уьш бист ца хилира

⁵ ТIаккха цаьрга массаьрга а реза воцуш хъажа а хъаьжна, церан къиза дегнаш хиларна халахетарца, Иийсас элира куьг заьIап долчу стаге: «Схъа-кховдаде хъайн куьг!» Вукхо куьг схъакховдийра — иза оцу сохъта тоделира. ⁶ Ткъа парушхой^д, ара а бевлла, сихонца ХIародан адамашца барт бан буййлабелира, Иийса шаьш муха хIаллаквийр вара те бохуш.

Берда тIехъ Иийсана гонах дуккха а адам гулдалар

⁷ Цу хенахъ Иийса Шен мурдашца Иома йисте веара. Дукха адам дара Цунна тIаьхъа лелаш. Галилай-махкара а, ЯхIуд-махкара а, ⁸ Ярушалай-мера а, Эдом-меттигера а, Йорданан тIехъара а, Цора-гIалина а, ЦIадан-гIалина а гонах Iаш долу дукха адам деанера И волчу. Цо дечу гIуллакхех лаьцна шайна хезна дела баьркинера Цунна тIе уьш. ⁹ Адам дукха тIех гулдаларна, цаьрга Ша ца хъашийтархъама, хинкема кечдайтира Иийсас Шен мурдашка. ¹⁰ Дукхахболчу баьркинчарна дарба дира Цо, цундела массо а цомгушнаш Иийсана юххе гIертара, Цунах куьг Iотта гIерташ. ¹¹ ХIоразза а харц жинашна Иийса гича, Цунна хъалха охъаьбгура уьш, мохъ а хьоькхуш: «Хьо Делан КIант ву!» — бохуш. ¹² Ткъа Иийсас чIогIа доьхкура царна, Ша мила ву ма дийца бохуш.

2:23 Карлабаьккхинарг 23:25.

2:25, 26 Шамъал 21:1-6. 3:9, 10 Марк 4:1; Лака 5:1-3.

Шийтта векал харжар
(Маттай 10:1-4; Лака 6:12-16)

¹³ Юха Иийсас, лам тIе хъала а ваьлла, мурдашна юкъара Шена оьшурш тIекхайкхир. Уьш Цунна тIе баьхкира. ¹⁴ Царна юкъара Иийсас шийтта мурд схьакъастийра (царах Цо векалш элира), уьш Шена юххехь хилийтархъама а, цаьрга хъехамаш байтархъама а, ¹⁵ адамашна чуьра жинаш арадаха церан олалла хилийтархъама а. ¹⁶ Иийсас къастийна векалш хIорш бара: ШамIа (Иийсас тIаьхъа, Кипа аьлла, цIе тиллинарг), ¹⁷ Зевадин кIант Якъуб, цуьнан ваша Яхъя, (шайна Иийсас, Баней-Раговш аьлла, цIе тиллинарш, иза «ткъесан кIентий*» бохург ду), ¹⁸ Iандар, Пилап, Барталамай, Маттай, ТIама, ХIалпайн кIант Якъуб, Тхъада, ШамIа (ша тIе-лаьцнарг тIевирззина кхочуш дан гIертарг), ¹⁹ ЯхIуд-Искархо а, тIаьхъа ямартхо хилларг.

Иийса а, БаIал-Зебула а
(Маттай 12:22-32; Лака 11:14-23; 12:10)

²⁰ Цул тIаьхъа Иийса цIа чу вахча, юха а дукха нах гулбелира, ур-атталла юург яа а меттиг ца йолуьйтуш Иийсана а, Цуьнан мурдашна а. ²¹ Иийсан цIерачарна цунах лаьцна хезча, уьш Иза дIавига баьхкира, хIунда аьлча наха дуьйцура, Иза лар тIехь вац бохуш. ²² Ткъа Ярушалаймера баьхкинчу Iелам наха олура: «Цунна чу БаIал-Зебула-жин доьлла! Оцу харц жинийн элан олаллица жинаш арадоху Цо адамашна чуьра!»

²³ ТIаккха Иийсас, уьш Шена тIе а кхайкхина, дустарш далийра царна: «Иблисо муха эккхор ду иблис? ²⁴ Цхъана пачхьалкхехь вовшашлахь тIом хилча, и пачхьалкх хIаллакхир ю. ²⁵ Я цхъана доьзалехь цхъа барт бацахь, иза а бухур бу. ²⁶ Ткъа иблис ша-шена дуьхьал даьлча, иблисан олалла шена чохь а декъаделча, иза кхин латталур дац, цуьнан тIаьхъара де тIекхочу.

²⁷ Цхъа а ца воьду шел онданиг волчу цIа чу, цуьнан хIуманаш лачкъо, цкъа хьалха иза дIавихкина бен, къола далур дац цуьнан цIахь.

²⁸ Баккъалла а боху Аса шуьга: „Адамын кIенташна муьлхха а къиношна гечдийр ду, цара Дела сийсазвар а тIехь, ²⁹ амма Делан Са сийсаздинчунна цкъа а гечдийр дац, иза гуттаренна къинойн баланехь хир ву“».

³⁰ Иштта дешнаш элира Иийсас, Шех лаьцна наха «Иза харц жинашца тайна ву», — олу дела.

* ^{3:17} Ткъесан кIентий — кхечу тайпана аьлча: карзахе кIентий.

Иийсан нана а, вежарий а
(Маттай 12:46-50; Лака 8:19-21)

³¹ Иийса волчу Цуьнан наний, вежарий баьхкира. Уьш арахь севцира. Цара Иийса аракхайкхир, ³² хIунда аьлча, гонах хиьна дукха адам хиларна, Цунна тIе ца кхачалора уьш. Иийсага элира: «Хъажахь, Хъан наний, вежарий, йижарий бу-кх арахь Хьо хоьттуш».

³³ Цо жоп делира: «Муьлш бу Сан наний, вежарий?» ³⁴ ТIаккха, Шена гонах хевшина болчаьрга а хъаьжна, Иийсас элира: «ХIорш бу Сан наний, вежарий! ³⁵ ХIунда аьлча Делан лаам кхочушбеш берш бу Сан ваша а, йиша а, нана а».

Ахархочух лаьцна хьекъале дустар
(Маттай 13:1-9; Лака 8:4-8)

4 ¹ Юха а цхъана дийнахь Iоман берда тIехь хъехамаш беш вара Иийса. Цунна гонах гулделла дукха адам дара. Цундела Иза, хинкеманна тIе а ваьлла, Iоман йистера дехьо велира, ткъа адамаш берда тIехь дисира. ² Дукха хъехамаш бора Иийсас царна, хьекъале дустарш далош. Иштта дийцира Цо цаьрга:

³ «ЛадогIал! Цхъа ахархо шен кха тIе хIу таса араваьлла. ⁴ Цо хIу тосучу хенахь цхъадолу буьртигаш некъан йистехула охъаэгна хилла. Схъадаьхкинчу олхазарша уьш дIадиьна. ⁵ Важа буьртигаш жагIа а болуш, латта кIезиг долчу метте охъаэгна хилла. Цу буьртигаша сихха зIийдигаш тесна, хIунда аьлча цигахь латта кIезиг дара. ⁶ Малх кхетча, цо и зIийдигаш ягийра, церан орамаш кIорга ца хиларна, уьш якъаелира. ⁷ Кхидерш коканийн коьллаш юкъа ийгира, амма коьллаша, юкъ а елла, хIун зIийдигаш къайлаехира. Цара ялта ца делира. ⁸ Ткъа важа долу хIу, дика латта долчохь нис а делла, зIийдигаш а тесна, уьш хъала а евлла, цара ялта делира, ткъе итт, кхузткъа а, ур-атталла бIе а хIу а луш хIора кено а».

⁹ ТIаккха Иийсас элира ладугIучаьрга: «Лергаш долчунна дIахозийла хIара».

Дустаран маьIна довзийтар
(Маттай 13:10-17; Лака 8:9, 10)

¹⁰ Иийса Ша висча, шийтта векало а, юххерчу кхечу мурдаша а хаьттира Цуьн дустарех лаьцна. ¹¹ Иийсас жоп делира цаьрга: «Шун таро ю Делан Олаллех йолу къайленаш йовза, ткъа кхечарна ишттачу дустаршца дуьйцу Аса,

¹² „царна, хьоьбжушехь, хIумма а ца гайтархъама, хеззашехь, уьш ца кхетийтархъама, кхечу тайпана хилча, уьш Суна тIебоьрзур бара, ткъа Ас гечдийр дара царна“».

Ахархочух лаьцначу дустаран маьІнах кхетор
(Маттай 13:18-23; Лака 8:11-15)

¹³ Ийсас элира мурдашка: «Шу а ца кхета те оцу дустарх? ТІаккха кхечу дустарех муха кхетар ду те шу? ¹⁴ Ахархочо дуййш дерг Делан Дош ду. ¹⁵ Цхьадолу адамаш некъа йисте доьжначу хІух тера ду. Царна Делан дош хеза, амма, цу сохъта иблис а догІий, цо церан дегнаш чу доьжна дош дІа-хьо. ¹⁶ Кхиберш тера бу тІулгашна юккъе эгначу хІух. Шайна Делан дош хезча, казахетарца, сихонца схьалоцу цара и дош. ¹⁷ Амма церан хила ма-беззара орам боцу дела, уьш кІезигчу ханна бен ца лаьтта. Ткъа и дош бахъана долуш, шайна тІе халонаш хІиттича, уьш сихха юхабовлу. ¹⁸ Вуьш тера бу коканийн коьллаш юккъе эгначу буьртигех. Уьш дош хез-нарш бу, ¹⁹ амма дахаран гІайгІанаша а, хьолах Іеабаларо а, кхечу лаамаша а и хезна дош дицдолуьйту, цара шайн дахарехь стом а ца ло. ²⁰ Ткъа цхьаберш бу хьийкьинчу лаьтта тІе эгна буьртигех тера. Уьш дош а хезна, иза даго тІе а эцна, пайден стом луш берш бу — наггахь ткъе уьгтазза, наггахь кхузткъазза а, я бІозза а сов луш».

Кхабина буха хІоттийна стогар
(Лака 8:16-18)

²¹ Кхин дІа а Ийсас элира: «Цхьаммо стогар латийча, иза Іункарнехъа хІоттийначу кхабина я маьнги кІел хІотторхъама а бохьий чу? Я иза лаккха хъалахІоттабан бахъа чу? ²² ХІунда аьлча мел йоккха къайле а, цхьанна а ца хууш юьсур яц, мел чІогІа лечкъийнарг а гІар ца долуш а, гучу ца долуш а дуьсур дац. ²³ Хезаш волчунна дІахезийла хІара!»

²⁴ Кхин а тІетуйхира Ийсас: «Дикка кІоргера ойла елаш, шайна хезначух лаьцна. Аша нехан ма-хаддора, Дала шун а хадор бу мах, ткъа шун кхин а лакхара хадор бу. ²⁵ ХІунда аьлча долчунна кхин а тІелур ду, ткъа доцучуьнгара цуьнан данне а доцург а дІадоккхур ву».

Даьлла догІучу кІен буьртигех лаьцна дустар

²⁶ ТІаккха Ийсас элира: «Делан Олаллех лаьцна иштта кхета мега. Цхъана стага лаьтта хІу тосу. ²⁷ Буса и стаг, охъа а вуьжий, Іуьйранна хъа-лагІотту. Ткъа хІу цу хенахь, хъала а долиий, кхуьу. Иза муха хуьлу стагана шена а ца хаьа. ²⁸ Лаьтто ша кхиадо и хІу: хъалха зІийдиг а тосий, тІаккха гІа а долиий, кІен буьртигаш а хуьлий, дІахІутту. ²⁹ КІен буьртигаш хилла девлча, ахархочо марс схьаобцу, кІа хьокху хан тІеесана дела».

^{4:21} Маттай 5:15; Лака 11:33. ^{4:22} Маттай 10:26; Лака 12:2. ^{4:24} Маттай 7:2; Лака 6:38.

^{4:25} Маттай 13:12; 25:29; Лака 19:26. ^{4:29} Юал 3:13.

ХІух лаьцна хьекъале дустар
(Маттай 13:31, 32, 34; Лака 13:18, 19)

³⁰ Цул тІаьхъа Ийсас кхин а хаьттира: «Стенца дуста мегар ду Делан Олалла? Я муьлхачу дустарца дуьйцур ду цунах лаьцна? ³¹ Лаьтта тІехь уггаре а жимачу хІуьнах тера ду иза, и дІадуьйчу хенахь. ³² Амма иза дІадийначул тІаьхъа, хъала а долиий, бешан дитташ юкъахь уггаре а доккха дитт хуьлий дІахІутту. Стигаларчу олхазарша а баннаш дан тарло цуьнан гаьн-наш тІехь».

³³ Ишттачу кхин а дуккха а дустаршца хьехамаш бора Ийсас — адамаш кхетар долчу тайпана. ³⁴ Дустар ца далош, Цо хІумма а ца дуьйцура царна, ткъа Шен мурдашца Ша висча, Цо дерригенах кхетабора уьш.

Ийсас хи тІехь баьлла мох сацабо
(Маттай 8:23-27; Лака 8:22-25)

³⁵ Цу дийнахь суьйранна Ийсас элира Шен мурдашка: «Іоман дуьхъалара берда тІе довла вай». ³⁶ ТІаккха цара адамаш а дитина, Ийса хинкеман тІехь ма-хиллара шайца дІавигира. Хи чохь кхераниг доцург кхин а кеманаш дара. ³⁷ ЦІеххъана, чІогІа мох а баьлла, тулгІенаша кеман чу хи даьккхира, кема хих дузуш дара. ³⁸ Ийса цу хенахь кеманан цІоганехь вара, гІайби тІе корта а биллина, наб кхетта Іаш. Мурдаша, Иза сама а ваьккхина, элира: «Устаз! Хьуна бен а ца хета те вай хин буха дахар?» ³⁹ ТІаккха Ийсас, хъала а гІаьттина, мохе омра а дина, хине элира: «ЛагІло! ДІате! Сацийта!» Мох сецира, цхъа а гІар-тата доцуш, тийналла дІахІоьттира. ⁴⁰ Ткъа мурдашка Цо элира: «Шу кхера хІунда кхоьру? Шун дегнаш чохь хІинца а тешар дац те?»

⁴¹ Амма уьш чІогІа кхерабелла хиларна, цара цецбовларца вовшашка хоьттура: «ХІара мила ву те, ур-атталла мох а, хиш а Цунна къарлуш хилча?»

Ийсас ГІарас-меттхь жинаша хьийзош волу стаг туовар
(Маттай 8:28-34; Лака 8:26-39)

С ¹ Ийса шен мурдашца дуьхъалара берда тІехь лаьтгачу ГІарас цІе йолчу меттиге веара. ² Иза хинкеманна тІера лаьтта ваьлча, Цунна дуьхъал нах дІабухкучу хьехаш чуьра жинаша хьийзош волу цхъа стаг веара. ³ Оцу хьехаш чохь Іаш вара иза. Цхъаьнгте а ур-атталла зІенашца а дІа ца вежхалора иза, ⁴ хІунда аьлча мосуьйттазза а зІенашца вихкича а, когех буржалш тоьхча а, цо уьш хедадора. Цхъаьнгтахь а иза тебан ницкъ а бацара. ⁵ Массо дийнахь а, буса а къуббанашна а, баьрзнашна а юккъехула а лелаш, чІогІа мохь а хьокхуш, тІулгех ветталуш лелара иза.

⁶ Геннара Ийса вогІу а гина, дуьхъал а ведда, Цунна хъалха гора а воьжна, ⁷ чІогІа мохь хьаькхира цо: «Хьуна хІун оьшу соьгара, Ийса, Веза

Вокхачун КІант? Делан дуьхьа доьху Хьоьга, ма хьийзавехьа со?»⁸ Ткъа Иийсас хІетале омра динера жине: «Арадала оцу стагана чуьра!» — аьлла.

⁹ ТІаккха Иийсас хьаттира жине: «ХІун ю хьан цІе?» — аьлла.

Вукхо жоп делира: «„Эскар“, хІунда аьлча тхо дуккха а ду». ¹⁰ Оцу жинаша чІогІа дехар дира Иийсага, шаьш оцу махкара дІа ма довлийтахьара аьлла. ¹¹ Цигтахь лам тІехь бежаш хьакхарчийн боккха бажа бара. ¹² Жинаша Иийсага дийхира, шаьш царна чу довлийтахьара аьлла. ¹³ Цо царна пурба делира. Жинаш, оцу стагана чуьра ара а девлла, хьакхарчашна чу-девлира. Ши эзар гергга йолу хьакхарчий, лекхачу берда тІера хи чу а лилхина, Иоман буха яхара.

¹⁴ Іуй, бевдда дІа а бахана, гІалахь а, юххерчу ярташкахь а хиллачух лаьцна дуьйцуш бара. Нах хьажа баьхкира, хилларг хІун ду те аьлла. ¹⁵ Иийсана юххе баьхкича, и жинаша хьийзина волу стаг, тІе хІума а юьй-хина, метта а веана, шайна гича, уьш кхерабелира. ¹⁶ И дерриг гиначара дийцира баьхкинчаьрга цу стагах а, хьакхарчех а хиллачух лаьцна.

¹⁷ ТІаккха цигара бахархоша дийхира Иийсага, шаьш а, шайн мохк а битина, дІагІахьара Хьо аьлла.

¹⁸ Иийса хинкеман тІе волуш, жинех паргІатваьллачу стага ша а вигар дийхира Цуьнга. ¹⁹ Амма Иийсас цунна ца магийра иза. Цо элира: «ЦІа а гІой, хьайн цІерачаьрга дийца Везачу Эло хьайна мел дика дина а, Цо хьайх мел боккха кьинхетам бина а».

²⁰ Оцу стага, дІа а вахана, Иттшахьар-махкахь бегаху нахе Иийсас шена динчу доккхачу диканах лаьцна дийцира, ткъа массо а цецубуйлура.

*Яиран йоІ еллачуьра денъяр а, цомгуш йолу зуда туюр а
(Маттай 9:18-26; Лака 8:40-56)*

²¹ Иийса Шен мурдашца хинкеман тІехь Иоман берда тІе юхавеача, Цуьнга хьоьжуш дукха адам дара. Уьш Цунна гонах гулделира. ²² Оцу хенахь И волчу гуламан цІа чохь куьйгалхо волу Яир веара. Иийса а гина, иза, Цуьнан когашка охьа а воьжна, ²³ чІогІа дехар дан хІоьттира: «Сан йоІ леш ю. Доьху Хьоьга, ван а волий, цунна тІе куьйгаш а дахкий, то а яй, дийна йисийтахьа иза», — аьлла.

²⁴ Иийса Яирца дІавоьдуш, Цунна тІаьххье дукха адам дахара, Иза халла бен чекх а ца валалуш. ²⁵ Царна юкьахь цхьа зуда а яра, шийтта шарахь цІий ца соцуш, бала хьоьгуш йолу. ²⁶ Дуккха а лоьраша гІо дечу метта бала хьегийтинера оцу зудчуьнга. Амма лоьрашна шен долахь мел дерг а дойуш, алссам харж йича а, гІоле хуьлучу метта, кхин а чІагІьеллера иза. ²⁷ Иийсах лаьцна шена хезча, цо, адаманша юкьехула тІе-хьашха Цунна тІе а яхана, Иийсан бедарх куьг Іоьттира. ²⁸ ХІунда аьлча оцу зудчо оила йинера: «Нагахь санна Цуьнан тІера бедарх хьакхаелча а, со толур ю», — аьлла. ²⁹ Оцу сохьта дІаоьху цІий а сецна, ша тоеллий хиира зудчунна.

³⁰ Ткъа Иийсана сихха хааделира Шех ницкъ дІакъаьстиний. Гонах долчу адамашкахь а вирзина, Иийсас хьаттира: «Мила ву Сан бедарх куьг Іоьттинар?» — аьлла.

³¹ Цуьнан мурдаша элира: «Хьайна тІегІоьртина оццул адам гушшехь, хоьтту-кх Ахь: „Мила ву Сох куьг Іоьттинар?“»

³² Амма Иийса леррина гонах хьоьжура, и динарг мила ву те ган лууш. ³³ ТІаккха зудчо, шена хилларг хІун ду а хийна, дукха кхераяларна ега а еш, Иийсан когашка а йоьжна, дерриге а ма-дарра дІадийцира Цуьнга. ³⁴ Ткъа Иийсас элира зудчуьнга: «Сан йоІ, хьан тешаро тойина хьо. Маьрша дІагІо хьайна, хІинца чул тІаьхьа кхин оцу цамгаро хьийзор яц хьо».

³⁵ Иийса къамел дина а валале, гуламан цІийнан куьйгалхочун Яиран цІера геланчаш баьхкира. «Хьан йоІ елла. Устазана хало ян ца оьшу», — элира цара.

³⁶ Ткъа, цара дуьйцург а хезна, Иийсас Яире элира: «Кхера ма ло, амма теша». ³⁷ Кипа а, Якъуб а, Якъубан ваша Яхьья а бен, кхин цхьа а ца ваийтира Иийсас Шеца. ³⁸ Уьш Яиран керта схьакхаьчча, Цунна доьхна а, чІогІа доьлхуш а адамаш гира. ³⁹ ЦІа чу ваьлча, Иийсас элира цаьрга: «Аша хІун до доьхна а, доьлхуш а? ЙоІ елла яц, иза йижина ю».

⁴⁰ Ткъа адамаш Цунах дуьйлуш дара цадашарца. Иийсас массо а ара-ваьккхира. Шеца йоІан да-нана а, цигахь волу кхо мурд а эцна, йоІ йолчу чоьхьавелира Иза. ⁴¹ Иийсас, йоІан куьг схьа а лаьцна, элира: «ТалитІа кхуми!» (иза «ЙоІ, хьалагІатта боху хьоьга!» — бохург ду). ⁴² И малли, йоІ, хьала а гІаьттина, дІайолаелира (иза шийтта шо кхаьчна йоІ яра). Чохь берш чІогІа цецбевлла биснера. ⁴³ Иийсас чІогІа тІедиллира царна хилларг цхьаьнгте а цахайтар. «ЙоІана яа хІума ло», — элира Цо цаьрга.

*Иийса Назарт-гІалахь тІе ца оьцу
(Маттай 13:53-58; Лака 4:16-30)*

6 ¹ Оцу меттигера ара а ваьлла, Ша кхиинчу гІала веара Иийса. Цуьнца Цуьнан мурдаш а бара. ² Шоьтан де тІедеача, гуламан цІа чохь хьехамаш бан волавелира Иза. Дукхахболчара Иийсага ла а дугІий, инзарбовларца а, шеконца а вовшашка хоьттурса: «Мичахьара баьлла те Цунна и хьехам? И хІун хьекьал ду те Цунна делларг, и инзаре хІуманаш а хуьлуш Цуьнан куьйгашца. ³ Ша дечиган пхьар а волуш, оцу Якъубан а, Юшан а, ЯхІудан а, ШамІин а ваша а волуш, Мареман кІант вац Иза? Кхузахь, вайна юкьахь, бац Цуьнан йижарий а?»

Оцу нахана Иза кьобалван ца лиира. ⁴ Ткъа Иийсас элира цаьрга: «Ша схьаваьллачу меттигехь а, шайчарна юкьахь а, шен цІахь а бен ца хуьлу

пайхамар наха ца лоруш». ⁵ Цигахь башха тамашийна хIума ца даделира Иийсага, цхьаццболчу цомгушчу нахана тIе куыйгаш а дехкина, уыш то-бар бен. ⁶ Иийса чIогIа цецвуыйлура оцу нехан цатешарх.

Иийсас шийтта векал дIахьажор

(Маттай 10:5-15; Лака 9:1-6)

ТIаккха ярташкахула адамашна хьехамаш бан вахара Иза. ⁷ Шен шийтта векал тIе а кхайкхина, уыш шишша а бекъна, царна харц жинашна тIехь оалалла дан бакъо а елла, уыш цхьаццанхьа дIасахьажийра Иийсас. ⁸ Ткъа уыш дIабуыйлалуш, Цо царга элира: «Шайца хIумма а схьа ма эца: я бепиг а, я тIоьрмаг а, я юкъах дихкина ахча а, еккъа некъан Iаса йоцург. ⁹ Кога юыйхина мачаш а, шайна тIехь йолу цхьа бедар а бен, сов хIумма а ма хьуо». ¹⁰ Кхин а тIегуыйхира Цо: «Шайш дуьххьара даханчу цIеношкахь саца, оцу гIалара арадовлалц. ¹¹ Нагахь санна шайш цхьана меттигехь тIе ца лацахь а, я ла ца догIахь а, шайш цигара дIадоьлхуш, шайн когаш тIера чан охьаегае. Шу тIе ца эцначу нахана дуьхьал тоьшалла хир ду иза».

¹² ТIаккха кьинош летиыйнарш метта а бохкуыйтуш, Далла тIеберзорхьама, кхайкхамаш а беш, дIабуыйлабелира векалш. ¹³ Дуккха а нахана чуьра жинаш ара а дохуш, дуккха а цомгушчарна зайтдаьтта^д а хьокхуш, уыш тобира цара.

Яхьья-пайхамаран дIакхалхар

(Маттай 14:1-12; Лака 9:7-9)

¹⁴ Иийсан цIе дикка массанхьа а яьржина хиларна, ХIарод-паччахьна а дIахезира Цунах лаьцна. Цхьаболчара Иийсах лаьцна: «Иза веллачуьра денвелла нах хих чекхбоху Яхьья ву, цундела Цо инзаре хIуманаш до», — олура. ¹⁵ Вукхара олура: «Иза ЭлияхIу-пайхамар ву». Ткъа кхозлагIчара тоьшалла дора: «Иза, ширачу заманыхьлера пайхамарех терра а волуш, цхьа пайхамар-м ву», — бохуш.

¹⁶ И шена хезча, ХIарода элира: «Аса корта тIера баккхийтина Яхьья веллачуьра денвелла», — аьлла. ¹⁷ ХIарода, шена йигна йолу, шен вешин Пилапан зуда ХIародад бахьана долуш, омра динера, Яхьья, схьа а лаций, набахти чу волла аьлла. ¹⁸ ХIунда аьлча Яхььяс аьллера ХIароде, цо шен вешин зуда шена йигар Iедалехь нийса дац аьлла. ¹⁹ Цундела ХIародад хьагI хилла яра Яхььяна, иза вийна а, дIаваккха лууш. Амма и дан цуьнан таро яцара, ²⁰ хIунда аьлча ХIарод Яхььях ийзалуш вара, иза бакъонца лелаш а, Дала вазвина а стаг вуй хууш. Цо иза лар а вора.

Яхььяс бечу кхайкхамашка там хиларца ладугIура ХIарода, цара шен гуттара а синтем бойушшехь.

^{6:8-11} Лака 10:4-11. ^{6:13} Якъуба 5:14. ^{6:14, 15} Маттай 16:14; Марк 8:28; Лака 9:19.

^{6:17, 18} Лака 3:19, 20.

²¹ Цкъа ХIарода ша вина де даздечу дийнахь, доккха той хIоттийра, пач-хьалкхан а, тIеман а хьаькамаш а, хьалдолу нах а кхайкхина. ²² Ткъа ХIа-родадан йоI, юкъа а яьлла, халха яьлча, чIогIа там хиллера ХIародана а, цуьнан хьешашна а. ТIаккха ХIарода оцу йоIе элира: «Хьайна луьург еха собгара, ахьа ехнарг аса дIалур ю хьуна», — аьлла. ²³ Цо дуй биьна, чIагIо йира: «Хьуна лиьнарг лур ю хьуна, ур-атталла сайн ах пачхьалкх а», — аьлла.

²⁴ ЙоIа, ара а яьлла, шен нене хьаьттира: «ХIун еха аса», — аьлла.

Ткъа вукхо жоп делира: «Нах хих чекхбохучу Яхььян корта беха», — аьлла.

²⁵ ЙоIа, сикха паччахьна тIе а яхана, дийхира: «Ахьа хIинцца шуьна чохь нах хих чекхбаьхначу Яхььян корта балар лаьа суна», — аьлла.

²⁶ Паччахьна и чIогIа новкъадеара, делахь а ша оцу хьешашна хьалха дуй биьна дела, цо дуьхьало ца йира оцу дехарна. ²⁷ ХIарода оцу сохьта чалтач вахийтира, цуьнга, Яхььян корта тIера а баккхий, схьаба аьлла, омра а дина. Вукхо вахана набахти чохь, Яхььян корта а баккхина, ²⁸ схьа а беана, шуьна чохь йоIе дIакховдийра, ткъа йоIа шен нене белира иза. ²⁹ Яхььян мурдашна иза хезча, цара баьхкина, цуьнан дегI схьа а эцна, кьубба чу диллира.

Пхи эзар стаг вузор

(Маттай 14:13-21; Лака 9:10-17; Яхьья 6:1-14)

³⁰ Векалша юхабирзича, Иийсана гонах а хевшина, шайш лелийначу гIуллакхех а, шайш нахана хьехначух а лаьцна дийцира Цуьнга. ³¹ Иийсас элира царга: «Шуьга са а доIуыйтуш, адам доцучу метте дIадовла вай цхьаьна». ХIунда аьлча уыш болчу меттехь чIогIа дукха нах бара, ур-атталла хIума яа а меттиг ца йолуш. ³² Цундела уыш нахах дIа а кьаьстина, хинкеман тIехь цхьа а воцучу яьссачу метте бевлира. ³³ Амма дукхахболу нах, хIорш дIабовлуш а гина, уыш бовзарна, массо а гIаланашкара гул а белла, берд тIехула бевдда, кхарал хьалхабевлира. ³⁴ Ша хийисте хьалаваьлча, Иийсана адамийн йоккха тоба гира. Уыш Iу воцу уьстагIех а тарбелла, царах чIогIа кьахийтира Иийсана. ТIаккха Иза оцу нахана дуккха а хьехамаш бан волавелира. ³⁵ Де чаккхенга гIерташ дара, цундела Цуьнан мурдаша, Иийсана тIе а бахана, элира Цуьнга: «ХIара меттиг яьсса а ю, вайна дикка хан а яьлла. ³⁶ Шайна юург а оьцуш, юххерчу ярташка дIабахийтахьа и нах».

³⁷ Амма Иийсас жоп делира царга: «Аша лур ю царна яа хIума».

Ткъа мурдаша элира Цуьнга: «Оха, дахана, массарна а ши бIе динари^д ахчанах бепиг а эцна, иза дао-м ца деза царна?»

³⁸ ТIаккха Иийсас хьаьттира царга: «Маса бепиг ду шуьгахь? Пой, хьовсал».

Бепиг маса ду а хььна, цара элира: «Тхоьгахь пхи хьокхам а, ши чIара а бу-кх».

^{6:34} Лелар 27:17; Сулим 22:17; 2 Шерашкахь 18:16; Яхьазкхиал 34:5; Маттай 9:36.

³⁹Тпаккха, и нах берриш а сийначу бай тIе охъаховша бе аьлла, омра дира Иийсас мурдашка. ⁴⁰Уьш, бекъа а белла, бIе а, шовзткъе итт а цхъа-на а болуш, охъахевшира. ⁴¹Ткъа Иийсас и пхи хьокхам, ши чIарий схъа а эцна, стигала хъала а хъаьжна, и кхача къобалбеш, доIа дира. Тпаккха и хьокхамаш дакъошка декъа а доькъуш, Шен мурдашка дIакховдадора Цо. Вукхара и дакъош адамашна дIадийкъира. Тпаккха и ши чIара а массарна бийкъира Цо. ⁴²Массара а яа а йиира, уьш буза а буьзира. ⁴³Кхин а дисинчу баьпкан дакъоша а, бисинчу чIеро а шийтта тускар а дьзира. ⁴⁴Ткъа юуш верг пхи эзар стаг вара.

*Иийса хи тIехула дIавовду
(Маттай 14:22-33; Яхъя 6:15-21)*

⁴⁵Цу сохъта и нах Ша дIахецаре а ца хьобжуш, хинкеманна тIе а хайитина, Шел хьалха, Iоман дуьхьаларчу берда тIе Бет-Саида-гIала дIабахийтира Иийсас Шен мурдаш. ⁴⁶Нах дIа а хъажийна, доIа дан лам тIе хъалавелира Иийса. ⁴⁷Суйре тIеаача, хинкема Iомана юккъехь дара, ткъа Иийса лам тIехь Ша вара. ⁴⁸Хин тIехь дуьхьал богIу мох болу дела, мурдашна пийсакашца кема лело хала хилар гира Иийсана. Тпаккха буьйсана кхо сахът даьлладу тIаьхъа Иза хи тIехула царна тIе вахара. Иийса тIехвала воллучу хенахь, ⁴⁹Иза хин тIехула волавелла вогIу а гина, мурдашна Иза гIаларт ду а моттаделла, цара дукха кхерабаларна маьхъарий хъаькхира, ⁵⁰хIунда аьлча царна массарна а гира Иза, уьш чIогIа кхера а белира. Цу сохъта Иийсас, вист а хилла, элира цаьрга: «Доьналла долуш хила! Со ву шуна иза! Ма кхера!» ⁵¹Тпаккха Иза цаьрца кеман тIе а хиира, цу сохъта мох а сецира. Мурдаш чIогIа цецбевллера, ⁵²хIунда аьлча хьалха баьпкаца хилладу тамашийна хIуманах а ца кхийтира уьш, дIакъовладелла дара церан дегнаш.

⁵³Хин кеман тIехь Iомал дехъа а бевлла, Гансарт-махка а кхачна, севцира уьш. ⁵⁴Уьш кеман тIера охъабуьссушехь, нахана Иийса вевзира. ⁵⁵Цара, бевдда, сихонца дIасадаржийра гонах Цунах лаьчна хаам. Тпаккха Иийса миччахъа сецча а, Цунна тIе меттахь болу цомгушнаш бало буьйлабелира. ⁵⁶Иза миччанхъа веача а, я ярташка а, я гIаланашка а, адамаша шайн цомгушнаш майданна тIе а балабой, чIогIа доьхура Иийсага, Шен бедаран юьхах мукъана а хьакхадалиятахъара шаьш бохуш. Ткъа Цунах хьакха мел велларг, цамгарх то а лой, дIахIуттура.

*Дайша лелийна Iадаташ
(Маттай 15:1-9)*

7 ¹Ярушалаймера баьхкина парушхой^а а, масех Iелам стаг а вара Иийсана гонах гулвелла. ²Цуьнан цхъаболчу мурдаша, куьйгаш цIандар а доцуш, хIума юуш гира царна. Ткъа Далла гергахь иза боьха лорура цара.

³ХIунда аьлча, хьалхалера Iедале а доьгIна, парушхоша а, массо а кхечу жуьгташа а, церан Iедалехь ма-бохху, куьйгаш цIандиний бен хIума ца йоу. ⁴Ткъа шаьш базарара еана хIума а шатайпана цIанийиний бен ца йоу. Кхин долу а дуккха а Iадаташ леладора цара, масала, кедаш а, гIумгIанаш а, йоьза кхабанаш а, мотт-гIайбеш а цIанъяр тIехь.

⁵Цундела парушхоша а, Iелам наха а хьаттира Иийсага: «Хьан мурдаша, вайн дайша лелийна Iадаташ хIунда ца лору, куьйгаш цIан а дина, хIунда ца йоу цара хIума?» — аьлла.

⁶Иийсас элира цаьрга: «Нийса хилла ЕшаI-ЯхIу-пайхамар, ша Делера болу хаам беш. Шух, шалхо лелочарех, яздина ма-хиллара:

„ХIокху адамаша Со багахь лору,

ткъа церан дегнаш Суна дукха генахь ду.

⁷ Церан ларамах пайда бац,

хIунда аьлча церан хъехамаш Делера бац,

уьш адамаша кхоьллина бу“.

⁸Аша, адамийн Iадаташ схъа а лаьчна, Дала тIедиллинарш ца лору».

⁹Кхин а Иийсас элира цаьрга: «Шуна хьекъале ду моьтту, Дала тIедиллинарш а ца лоруш, шайн Iадаташна тIаьхъахIоттар. ¹⁰Муса-пайхамаро ма аьлла: „Хъайн да а, нана а лара“, ткъа „Шен денний-нанний вон хIума олуш волу стаг вийна дIаваккха везаш ву“. ¹¹Амма, нагахь стага шен дег-нене: „Сан шуна гIо дан йиш яц, хIунда аьлча шуна лерина хилларг «кхурбан» дIало“ (иза арамхойн маттахь „Далла лерина совIат“ бохург ду), — аьлча, ¹²дена-нанна дан дезачух иза кIелхьарволу бохуш, чIагIдо аша. ¹³Делан Дош а ца лоруш, шайн дайша делла Iадат лору аш. И тайпа хIуманаш дукха леладо аша».

*Далла гергахь стаг бехвеш дерг
(Маттай 15:10-20)*

¹⁴Тпаккха юха а, нах Шена тIе а кхайкхина, Иийсас элира: «ЛадогIа Соьга массара а, дIа а лоцуш. ¹⁵Адамна чу яханчу цхъанна а хIумано Далла гергахь бехвийр вац стаг. Амма адаман даг чьура арадолучу сийсазчу хIумано бех вийр ву иза*». ¹⁷Нах а битина, Иийса цIа чу ваьлча, мурдаша оцу дустарх лаьчна хьаттира Цуьнга. ¹⁸Ткъа Иийсас жоп делира: «Шу а ду те иштта ца кхеташ? Шуна ца го, адамо дууш долчу цхъанна а хIумано, Далла гергахь бехван йиш йоцийла? ¹⁹ХIунда аьлча и тIеобцу хIума, дагах а ца кхеташ, кийрара хьерана чу а йоьдий, тIаккха чьура арайолу». (Иштта, юуш йолу хIума ерриге а Далла гергахь цIена хилар хайитира Иийсас.)

* ^{7:16} Цхъадолчу грекийн тептарш тIехь яздо: «Лергаш долчунна дIахезийла».

^{7:6, 7} ЕшаI-ЯхIу 29:13 (Грекийн). ^{7:10} Арадаккхар 20:12; Карлабаьккхинарг 5:16; Арадаккхар 21:17; Iамальяр 20:9.

²⁰ Кхин а тѣтовхна элира Цо: «Ткъа адамна чуъра арадолучо иза Далла гергахъ бехво. ²¹ ХIунда аьлча кийрара адамын дегнаш чуъра ца оьшу вон ойланаш а арайовлу, нахаца лелар а, къола дар а, вер а, ²² ямартло а, шашен везар а, мекаралла а, Iехор а, лело ца дезарг лелор а, хьегар а, доцург кхоллар а, ша лакхара ларар а, кхетам бацар а. ²³ И дерриге а зулам адамна чуъра ара а долиий, цо стаг Далла гергахъ бехво».

Кхечу къомах йолчу зудчун тешар
(Маттай 15:21-28)

²⁴ И меттиг а йитина, Цора олучу гIалин юххерчу меттигашка вахара Ийса. Ша цIа чу волуш, цхьанна а ца хоуйтуш ваха лиира Ийсана, делахъ а хьулвалар ца хитира Цуьнан. ²⁵ Харцжинаша йоI хьийзош йолчу цхьана зудчунна хааделира Ийса вар, оцу сохьта схьа а еана, Цуьнан когашка юьйжира и зуда. ²⁶ Иза Сирийпиникера схьаяьлла йолу грекахо яра. Цо чIогIа дехар дира Ийсага, шен йоIана чуъра жин арадаккхяхъара аьлла. ²⁷ Ийсас элира цуьнга: «Цкъа хьалха бераш дузадайт, хIунда аьлча нийса а хир дац берашкара юург, схьа а якккхина, жIаьлешна тасар».

²⁸ Амма зудчо жоп делира Ийсага: «Эла, ур-атталла жIаьлеша а ма доу стоьла кIел бераша эгийна цуьргаш».

²⁹ ТIаккха Ийсас элира цуьнга: «Ахъа иштта жоп даларна маршонца цIа яха мегар ду хьо. Жин арадаьлла хьан йоIана чуъра».

³⁰ Ша цIа йирзича, жин чуъра ара а даьлла, метгахъ йижина Iаш карий-ра зудчунна шен йоI.

Къора а, лер доьхна а волу стаг туовар

³¹ Цора-гIалина гонахъара меттигашкара ЦIаданехула а, Иттша-хьар-махкахула а Галилай-Юмана тIе веара Ийса. ³² Къора а волуш, лер доьхна а волу стаг Ийсана тIе а валийна, цара дехарш дира, цунна тIе куьйгаш дахкахъара аьлла. ³³ И стаг схьа а къастийна, жимма дехъа а ваьккхина, цуьнан лергаш чу Шен пIелгаш дехкира Ийсас. ТIаккха туй а хьаькхна, цуьнан маттах Iотта а велла, ³⁴ стигала а хьаьжна, доккха са а даьккхина, Ийсас элира цуьнга: «Эппатхьа!» (иза «дIаделлало» бохург ду).

³⁵ Оцу сохьта вукхунна хаза а хезира, цуьнан мотт дIа а бастабелла, цIенна хабар дийца а волавелира иза. ³⁶ Ийсас чIогIа тIедиллира царна, цхьаьнгте а хиллачул лаьцна цадийцар, амма Цо чIогIа мел дихки а, уггаре а дукха дуьйцура цунах лаьцна. ³⁷ Адамаш чIогIа инзардаьлла дара, цара олур: «Цо дерриге а дика до. Ур-атталла ца хезачарна хаза а хозуьйту, мотт сечначаьрга хабар а дуьйцуьйту».

Виъ эзар стаг вузавар
(Маттай 15:32-39)

8 ¹ Иштта цхьана дийнахъ дукха адам гулделлера Ийса волчу, ткъа царна яа хIума яцара. Ийсас, Шен мурдаш тIе а кхайкхина, элира цаьрга:

² «Суна къахета оцу нахах, хIунда аьлча кхо де а ду уьш Соьца болу, ткъа царна яа хIума яц. ³ Аса меца дIабахийтича, новкъахъ гIеллур бу уьш, хIунда аьлча царах цхьаберш геннара баьккина бу».

⁴ Цуьнан мурдаша жоп делира: «ХIара адам дузо иштта яьссачу меттехъ мичахъ карор ду оццул бепиг?»

⁵ Ийсас хьаттира цаьрга: «Маса бепиг ду шуьгахъ?» — аьлла.

«ВорхI ду», — аьлла, жоп делира цара.

⁶ ТIаккха оцу нахе лаьтта охьаховша а аьлла, и ворхI бепиг схьа а эцна, Деле хастаман доIа а дина, бепиг каг а деш, Шен мурдашка кховдадора Ийсас, ткъа вукхара иза нахана доькъура. ⁷ Иштта масех жимо чIара а бара цаьргахъ, уьш а, декъалбина, бекъийтира Ийсас. ⁸ Наха шаьш буззалц хIума йирира. Дисинчу дакъоша ворхI тускар дуьзира. ⁹ Ткъа гулделла адам диъ эзар кхоччуш дара.

Цул тIаьхьа Ийсас нах дIабахийтира, ¹⁰ ткъа Ша, сихха Шен мурдашца хинкеман тIе а хиъна, ДалманутIа олучу меттигна юххехъа веара.

Ийсана тамашийна хIума гайтар тIедиллар
(Маттай 16:1-4; Лака 11:29-32)

¹¹ Цигахъ парухой^д, тIе а баьккина, Ийсаца кыйса буйлабелира. Стигалара тамашийна билгало гайта аьлла дехар дира цара Ийсага, Иза зерхьама. ¹² Доккха са а даьккхина, Ийсас элира: «Тамашийна билгало гайтар хIунда доьху аш Соьга? Баккъалла а боху шуьга, тамашийна билгало гойтур яц Ас шун тайпанна а».

¹³ ТIаккха, уьш Iад а битина, юха а Шен мурдашца хинкеманна тIе а хиъна, Юман духьалара берда тIе вахара Ийса.

Парухойн а, ХIародан а муьста бод
(Маттай 16:5-12)

¹⁴ Оцу хенахъ мурдашна шайна яа хIума схьаэца дицделлера, хинкеман тIехъ долу цхьа бепиг бен хIумма а яцара цаьргахъ. ¹⁵ Ийсас дIахайтира цаьрга ишттачу дешнашца: «Хьовсалаш! Парухойн а, ХIародан а муьс-тачу бедах ларлолаш».

¹⁶ ТIаккха мурдаш вовшашлахъ дагабуьйлуш бара, и бохург хIун ду те бохуш. «Вайгахъ бепиг доцу дела боху хьуна Цо вайга иштта», — бохура цара вовшашка.

^{8:11} Маттай 12:38; Лака 11:16. ^{8:12} Маттай 12:39; Лака 11:29. ^{8:15} Лака 12:1.

¹⁷ Цара стенах лаьцна дуьйцу хууш волчу Иийсас элира цаьрга: «Стенна дуьйцу аша, шайгахь бепиг дац бохуш? Хинца а ца го те шуна, кхета а ца кхета те шу? Дегнаш оццул шагделла те шун? ¹⁸ Баьргаш боллушехь, ца го те шуна? Ткъа лергаш доллушехь, ца хеза те шуна? Дага ца доггу те шуна, ¹⁹ маса тускар дуьззина баьпкан юьхкаш гулйира аша, Аса пхи бепиг пхи эзар стагана доькьучу хенахь?»

«Шийтта тускар дара», — жоп делира мурдаша.

²⁰ «Ткъа Аса ворхI бепиг виь эзар стагана декъча, дуьззина маса тускар юьхкаш гулйира аша?»

«ВорхI», — жоп делира цара.

²¹ ТIаккха Цо хаьттира цаьрга: «Хинца а ца кхета те шу?» — аьлла.

Бет-Саида-гIалахь баьрзениг тово Иийсас

²² Уьш Бет-Саида-гIала кхечира. Цигахь Иийсана тIе баьрса дайна стаг а валийна, цунах Iотталахьара аьлла, дийхира Цуьнга. ²³ Иийсас и стаг, куьг а лаьцна, юьртах араваьккхира. ТIаккха цуьнан баьргаш тIе туй а хьаькхна, стагана тIе Шен куьйгаш а дехкина, хаьттира: «ХIумма а гой хьуна?» — аьлла.

²⁴ Стага, хьала а хьаьжна, элира: «Суна уллохула чекхдовлуш адамаш го. Уьш диттех тера ду».

²⁵ ТIаккха Иийсас Шен куьйгаш стеган баьргашна тIе дехкира, вукхо баьргаш шуьйра дIадиллира, цунна баьрса а деьна, юха а дика ган а гуш, дIахIоьттира иза. ²⁶ ТIаккха Иийсас и стаг цIа вахийтира: «Юьрта чу ма гIолахь», — олуш.

Кипас Иийсах лаьцна аьлларг

(Маттай 16:13-20; Лака 9:18-21)

²⁷ Цул тIаьхьа Иийса Шен мурдашца Пилап-паччахьан гIалин гонахарчу ярташка воьду. Новкъахь Цо Шен мурдашка хаьттира: «Со мила ву олу наха?» — аьлла.

²⁸ Цара жоп делира: «Цхьаболчара Хьо нах хих чекхбоху Яхьъя ву олу, ткъа вукхара — ЭлияхIу-пайхамар ву боху, кхозлагIчара тоьшалла до, Хьо пайхамарех цхьаь ву бохуш».

²⁹ ТIаккха Иийсас хаьттира: «Ткъа аша хIун боху, Со мила ву боху аша?»

Кипас жоп делира Цунна: «Хьо Дала леррина Кьобалвинарг ву-кх», — аьлла.

³⁰ ТIаккха Иийсас Шех лаьцна цхьаьнга а дийцар дихкира мурдашна.

^{8:18} Ярми-ЯхIу 5:21; Яхьазкхиал 12:2; Марк 4:12. ^{8:28} Марк 6:14, 15; Лака 9:7, 8.

^{8:29} Яхьъя 6:68, 69.

Иийсас Шен Иожаллах а, денваларх а лаьцна дуьйцу

(Маттай 16:21-28; Лака 9:22-27)

³¹ Цул тIаьхьа царна хьехамаш бан волавелира Иийса. Цо дийцира Адамийн КIентан дукха баланах лан дезарх лаьцна а, баккхийчара а, динан коьртачу дайша а, Iеламчу наха а тIе ца лаьцна хила дезарх а, Иза вен везарх а, амма кхозлагIчу дийнахь денвала везарх а. ³² Иийсас, лечкъа а ца деш, дIадийцира цаьрга цунах лаьцна. Ткъа Кипас, Иза юьстах а ваьккхина: «Ишттаниг дийца а ма дийца», — элира. ³³ Амма Иийсас, юха а вирзина, Шен мурдашка а хьаьжна, буьрса жоп делира Кипе: «ДIадала Суна уллора, иблис! Хьан даг чохь Делан ойланаш яц, адамийн ойланаш ю».

³⁴ ТIаккха нах а, Шен мурдаш а тIе а кхайкхина, Цо элира цаьрга: «Сояца ван луург, шен „со“ бохург дIа а теттина, шен баланийн мохь* тIе а лаьцна, Суна тIаьхьахIотта веза. ³⁵ ХIунда аьлча шен са кIелхьардаккха лууш верг сих вер ву, амма Сан а, Делера болу хазачу кхоан а дуьхьа шен са дIалучо иза кIелхьардоккхур ду. ³⁶ ХIунда аьлча хIун пайда бу адамна, хIара дерриге а дуьне карахь хилча а, иза шен сих волуш хилча. ³⁷ Ткъа хIун делча, шен са юхадерзалур ду адаме? ³⁸ Амма хIокху Делах тешар а доцуш, кьинойх дуьзначу дуьнен чохь, нагахь санна Сох а, Сан дешнех а эхь хетахь, Со а, Адамийн КIант, дIавоьрзур ву цу стагах, Сайн Ден олллин нуьраца Делан маликашца схьавеача».

9 ¹ ТIаккха кхин а элира Иийсас: «Аса баккъалла а боху шуьга: шуна юьгьарчу цхьаболчарна, шаьш кхалхале Делан Олалла гур ду шен мел болчу ницкъаца».

Иийса хийцавалар

(Маттай 17:1-13; Лака 9:28-36)

² Ялх де даьлча, Шеца Кипа, Якъуб, Яхьъя бен кхин цхьа а ца вуьгуш, Иийса лекхачу лам тIе велира. Цигахь, царна хьалххажь, Дала Цуьнан амат хийцира. ³ Цунна тIера духар баьрг тIе а ца хIуттуш кIайделира, хIокху лаьтта тIехь хIуманаш юьтгучу цхьана а стага кIайдийр доцучу тайпана. ⁴ Церан баьрг кхийтира Иийсаца къамел деш волчу ЭлияхIу-пайхамархий, Муса-пайхамархий. ⁵ Кипас, Иийсагахьа а вирзина, элира: «Устаз! Ма дика Iа вай кхузахь, кхо кхалор¹ ей вай: цхьаь Хьуна, цхьаь Мусана, цхьаь ЭлияхIуна». ⁶ Кипас элира и, ша хIун эр ду а ца хиьна, хIунда аьлча мурдаш чIогIа кхерабеллера. ⁷ Ткъа цу хенахь, марха тIе а еана, уьш

* ^{8:34} Баланийн мохь. Бакъду, грекийн маттахь иштта яздина ду: *жIаран бIогIам*.

^{8:34} Маттай 10:38; Лака 14:27. ^{8:35} Маттай 10:39; Лака 17:33; Яхьъя 12:25. ^{9:2-7} 2 Кипин 1:17, 18. ^{9:7} Маттай 3:17; Марк 1:11; Лака 3:22.

дІахулбелира цуьнан ИндагІехъ, мархашна юкъара аз хезира: «ХІара ву Суна дукхавезаш волу Сан КІант. Цуьнга ладогІа!» — аьлла. ⁸Цу сохъта, уьш шайна гонах хьабжча, царна юххехъ кхин цхьа а ца гира, Ийса воцург.

⁹Уьш лам тІера охьабуйссучу хенахъ, Ийса царна тІедиллира, шайна гиначух лаьцна цхьаьнгте а ца дийцар, Адамийн КІант веллачуьра денваллалц. ¹⁰Мурдаша хилларг кьайладаьккхира, амма вовшашлахъ цара хоьттура: «Веллачуьра денвалар хІун ду те?» ¹¹Цара хаьттира Ийсага: «Хьалха ЭлияхІу-пайхамар ван веза хІунда олу те Іелам наха?»

¹²Ийса жоп делира царна: «ХІаь, хьалха билггала ЭлияхІу-пайхамар ван веза, массо а хІуманна тІехъ низам хІотторхьама. Ткъа Адамийн КІантах лаьцна яздина хІунда ду, Цо дуккха а баланаш хьобгур бу, Иза сийсаз а вийр ву аьлла? ¹³Амма Ас боху шуьга, ЭлияхІу-пайхамар цкъа веанера, цунна а шайна луьург дира, цунах лаьцна яздина ма-хиллара».

*Жино хьийзош волу кІант туовар
(Маттай 17:14-21; Лака 9:37-43)*

¹⁴Уьш шайн бисинчу мурдашна тІе юхабирзича, царна гонах йоккха тоба а, цаьрца кьуйсуш лаьтташ Іелам нах а гира ИйсагІарна. ¹⁵Цу сохъта, Ийса а гина, массо а адам цецдаларца тІехьаьдира, Цуьнга маршалла хаттархьама. ¹⁶Ийса хаьттира цаьрга: «ХІун кьуйсу аш цаьрца?» — аьлла.

¹⁷Тобанна юкъара цхьана стага жоп делира Цуьнга: «Устаз! Сайн кІант валийна аса Хьуна тІе. Иза мотт саочу жино хьийзаво. ¹⁸И жин тІе а кхоссалой, и кІант цо лаьттах тоьхча, цуьнан бетак чоп а хІуттий, цергаш а хьекхош, Іада а вой, вуьсу иза. Хьан мурдашка и жин арадакхар дехнера аса, амма цаьрга иза дан ца дели».

¹⁹Тіаккха Ийса элира, цаьргахъ а вирзина: «Ва тешар доцу тукхам! Мел хир ву техъа Со шуна юкьахъ? Мел лан деза техъа Аса шу? Схьавала-ве иза Суна тІе».

²⁰КІант Ийсана тІе валийра. Ийса гича, жино кІантана лазар а даийтина, иза охьатуьйхира. Ткъа важа, лаьтта охъа а воьжна, керча а керчаш, багара чоп а оьхуш дІахІоьттира. ²¹Тіаккха Ийса хаьттира цуьнан дега: «Мел хан ю цунна иза хуьлуш долу?»

«Беран хенахъ дуьйна», — элира дас. ²²«Дукхазза а жино цІерга а, хи чу а кхоьссина иза, верхьама. Нагахъ Хьайга хІуьа а цхьа хІума далур делахъ, тхох кьинхетам бай, гІо дехъа тхуна».

²³Ийса жоп делира цунна: «Дан лур делахъ?! — Дерриге а далур ду Делах тешаш волчунна».

²⁴КІентан дас, велха а воьлхуш, элира: «Со баккъалла а теша! Со цате-шарна, теша гІо дехъа суна!»

^{9:11} Малъаки 4:5; Маттай 11:14.

²⁵Шайна сихха тІейогІуш йолу адамийн тоба а гина, Ийса жине элира: «Аса омра до хьобга: ара а далий, кхин цкъа а хІокхунна чу ма дола!» — аьлла.

²⁶Ткъа жин, мохъ а хьокхуш, кІентан пхенаш чІогІа ийза а дойтуш, цунна чуьра араделира. КІант, велча санна, Іуьлуш вара, цундела дукхакболчара бохура: «Иза велла». ²⁷Ткъа Ийса, кІентан куьг а лаьцна, цунна хьалагІатта гІо дира. ²⁸Цул тІаьхъа, Ийса цІа чу ваьлча, Иза Ша волуш, мурдаша хаттар дира Цуьнга: «Тхобга хІунда ца даккхаделира те и жин ара?» — аьлла.

²⁹«И тайпа жинаш доІанца бен*, кхечу тайпана даккхалур долуш дацара», — аьлла, жоп делира Ийса цаьрга.

*Ийса юха а шен вала везарх а,
денвала везарх а лаьцна дуьйцу
(Маттай 17:22, 23; Лака 9:43б-45)*

³⁰Цигара ара а бевлла, Галилай-махкахула бахара уьш. Цхьанна а шаьш догІий хаа ца лаьара Ийсана, ³¹Шен мурдашца цхьаьна а висина, царна хьехамаш бархьама. Ийса олура цаьрга: «Адамийн КІант, нехан кара а велла, вуьйр ву, ткъа кхозлагІчу дийнахъ Иза денлур ву».

³²Амма мурдаш ца кхийтира оцу дешнех, ткъа хатта уьш кхоьрура.

*Мурдех лакхарниг мила ву?
(Маттай 18:1-5; Лака 9:46-48)*

³³Уьш Къапарнаме баькхира. Ийса цІа чохъ волуш Цо хаьттира мурдашка: «Новкъахъ догІуш стенах лаьцна дуьйцуш дара шу?» — аьлла.

³⁴Амма уьш бист а ца хилира, хІунда аьлча уьш новкъа богІучу хенахъ цара вовшашлахъ дийцинарг шайх уггаре лакхарниг муьлха ву те бохург дара. ³⁵Тіаккха Ийса, охъа а хиъна, Шен шийтта мурд тІе а кхайкхина, элира цаьрга: «Нагахъ санна шух цхьанна хьалхара хила лаахъ, иза массарал а тІаьхъара хила веза, массеран а ялхо а хуьлуш». ³⁶Бер схъа а эцна, иза царна юккье дІа а хІоттийна, мара а доьллина, мурдашка элира Цо: ³⁷«Сан дуьхъа оцу кегийчу берех цхьаь тІеэцначо Со а тІеобцу. Ткъа Со тІеобчучо, Со тІеэцна а ца Іаш, Со Ваийтинарг а тІеобцу».

* ^{9:29} ДоІанца бен — цхьадолчу тептарш тІехъ тІеобхна ду: доІанца а, марханца а бен.

^{9:34} Лака 22:24. ^{9:35} Маттай 20:26, 27; 23:11; Марк 10:43, 44; Лака 22:26. ^{9:37} Маттай 10:40; Лака 10:16; Яхьъа 13:20.

*Вайна дуьхьал воцург – вайца ву
(Лака 9:49, 50)*

³⁸ Яхьяс элира Иийсага: «Устаз! Вайна юкьара воццушех а, Хьан цIарах жинаш арадоху цхьа стаг гира тхуна. И вайх цхьаь воцу дела, иза сацо гиртира тхо».

³⁹ Иийсас элира: «Сеца ма ве аш иза, хIунда аьлча, цхьаммо а Сан цIарах Иаламаташ а деш, гергарчу хенахь Сох лаьцна вониг дуьйцур дац, ⁴⁰ хIунда аьлча вайна дуьхьал воцург вайца ву. ⁴¹ Ткьа шу Дала леррина Кьобалвинчунна тIаьхьа хIиттина долу дела, шуна хин кад луш волчунна, билггала боху Аса, шена догIург дIакхочур ду».

⁴² «Амма, хIокху Сох тешаш болчу лахара болчех цхьаьнга цхьаммо кьа латадайтича, цунна гIоле яра, шен коча хьеран тIулг а оьллина, ша хIорда чу кхоссийтича. ⁴³ Нагахь санна хьан куьйго хьобга кьа латадойтуш делахь, и куьг тIера даккха – заьIап а волуш, Далла гергахь вахар гIоле ю, ши куьг а долуш, жобжахате вьодучул, цкьа а йовр йоцучу цIергахь а вогуш*. ⁴⁵ Нагахь санна хьан кого хьобга кьа латадойтуш делахь, иза а дIабаккха тIера. Ког а боцуш Далла гергахь вахар гIоле ю, ши ког а болуш жобжахате кхуссуьйтучул**. ⁴⁷ Ткьа нагахь хьан бIаьрго хьобга кьа латадайтхь, чуьра баккха иза. Делан Олалла тIе а лаьцна, Цунна юххехь цхьана бIаьргаца вахар а гIоле ю, ши бIаьрг а болуш ша жобжахате кхуссуьйтучул, ⁴⁸ цу чохь „нIаьно гуттар а дегI а кьийзор ду, цкьа а дIа ца йовш цIе а хир ю“. ⁴⁹ ХIунда аьлча Дала цIергахь цIанваран баланах цхьа а вер вац, адам дахчорхьама.

⁵⁰ Туьха дика хIума ю, амма цуьнан чам дIабаьлча, иза юха дуьра стен дийр ду? Шайна чуьра туьхан чам ма байа, вовшашца бертахь а Iе».

*Стага зуда дIаяхийтарх лаьцна хьехам
(Маттай 19:1-12; Лака 16:18)*

10 ¹ И мохк а битина, ЯхIуд-махка Йордан тIехьа дIаволавелира Иийса. Юха а адамиин тобанаш йогIура Цунна тIе, ткьа гуттар а санна Иийсас царна хьехамаш бора. ² Масех парушхочо⁴, Цунна тIе а веана, Иза зуьйш, хаьттира Цуьнга: «Бакьонехь нийса дуй стага зуда дIаяхийтар?» – аьлла.

³ Иийсас жоп делира цаьрга: «Муса-пайхамаро муха тIедиллина шуна?»

* ^{9:44} Цхьадолу тентарш тIехь дIаяздина ду: нIаьно гуттар а дегI кьийзош, цкьа а цIе дIа а ца йовш.

** ^{9:46} Цхьадолу тентарш тIехь дIаяздина ду: нIаьно гуттар а дегI кьийзош, цкьа а цIе дIа а ца йовш.

^{9:40} Маттай 12:30; Лака 11:23. ^{9:41} Маттай 10:42. ^{9:43} Маттай 5:30. ^{9:47} Маттай 5:29.

^{9:48} ЕшаI-ЯхIу 66:24. ^{9:50} Маттай 5:13; Лака 14:34, 35.

⁴ Цара элира: «Мусас бакьо елла майрачунна, дIасакъастарх лаьцна йозанца дина долу тоьшалла а яздина, зуда йита».

⁵ Иийсас элира цаьрга: «И шуна тIедиллинарг Мусас дIаяздина, шун дегнаш кьиза долу дела. ⁶ Амма Дала дуьне кхуллучу хенахь,

„Цо и шиь стаггий, зудий кхоьллина“.

⁷ „Иза бахьана долуш, шен да-нана а дитина, стаг шен зудчуьнца цхьаьнакхетар ву.

⁸ ТIаккха и шиь цхьаь хир ду“.

ХIинца уьш шиь доцуш, цхьаь санна долу дела, ⁹ цхьаммо а кьаста ма дойла Дала цхьаьнатоьхнар!

¹⁰ ТIаьхьо, уьш цIа чохь болчу хенахь, мурдаша юха а цунах лаьцна хаттар дира Иийсага. ¹¹ ТIаккха Иийсас жоп делира: «Шен зуда а йитина, кхин зуда ялорг ямартло еш ву. ¹² Ткьа зуда, майрачух дIа а кьаьстина, кхечуьнга маре йьодуш елахь, иза а нахаца лелаш ю».

*Иийсас бераш декьалдо
(Маттай 19:13-15; Лака 18:15-17)*

¹³ Иийсага куьг тIедиллийтархьама бераш далийра Цунна тIе, амма мурдаша тIе ца дуьтура уьш. ¹⁴ Иза гиначу Иийсас, оьгIаз а вахана, элира цаьрга: «ХIара бераш тIедахкийта Суна, царна дуьхьало ма е, хIунда аьлча Делан Олалла тIелаьцнарш уьш санна бу. ¹⁵ Билггала боху шуьга: бера санна, Делан Олалла тIе ца лоцуш верг цкьа а Делаца хир вац».

¹⁶ ТIаккха, и бераш мара а доьхкина, царна тIе куьйгаш а дехкина, уьш декьалдира Иийсас.

*Хьалдолу стаг
(Маттай 19:16-30; Лака 18:18-30)*

¹⁷ Иийса новкьа волучу хенахь, цхьа стаг тIеведира Цунна. Гора а вахана, цо хаьттира Иийсага: «Дика Устаз! Дела волчохь цкьа а чекхдер доцу дахар кхачийтархьама ас хIун дан деза те?»

¹⁸ Иийсас жоп делира цуьнга: «Сох „дика“ хIунда олу ахьа? Цхьа а вац дика, цхьа Дела воцург. ¹⁹ Дала тIедехкина гIуллакхаш хьуна хууш ма ду:

„Стаг а ма ве, нахаца а ма лела, кьола а ма де, харц тоьшалла а ма де, хIилла а ма леладе, да-нана а лара“?»

²⁰ Оцу стага элира Иийсага: «Устаз, беран хенахь дуьйна и дерриг а кхочушдеш, схьавогIуш ву со».

^{10:4} Карлабаьккхинарг 24:1-4; Маттай 5:31. ^{10:6} Доладалар 1:27; 5:2. ^{10:7,8} Доладалар 2:24. ^{10:11,12} Маттай 5:32; 1 Коринтхошка 7:10, 11. ^{10:15} Маттай 18:3. ^{10:19} Арадаккхар 20:13; Карлабаьккхинарг 5:17; Арадаккхар 20:14; Карлабаьккхинарг 5:18; Арадаккхар 20:15; Карлабаьккхинарг 5:19; Арадаккхар 20:16; Карлабаьккхинарг 5:20; Арадаккхар 20:12; Карлабаьккхинарг 5:16.

²¹ Ийсас, цуьнга хъажа а хъаьжна, и везавелла элира: «Цхъа хIума юкъахдитина ахъа. Хъайн долахь мел дерг дIа а дохкий, къечарна дIасадекъа, тIаккха стигалахь жовхIар хир ду хъан. Цул тIаьхъа, схъа а волий, Сунна тIаьхъахIотта».

²² Амма и дешнаш ма-хеззи, и стаг юьхь тIехь хийца а велла, гIайгIане а воьжна, дехъавелира, хIунда аьлча иза чIогIа хьал долуш вара.

²³ Ийсас, гонах а хъаьжна, элира Шен мурдашка: «Мел хала ду-кх хьалдолчу стагана, Делан Олалла тIе а лаьцна, Далла уллохь хила!»

²⁴ Мурдаш цецбевллера Цуьнан дешнех, амма Ийсас юха а элира цаьрга: «Сан бераш, мел хала хир ду-кх хьалдолчунна, Делан Олалла тIе а лаьцна, Далла уллохь хила. ²⁵ Эмкална а механ Иуьргахула чекхъ-яла атта ду, хьалдолчунна, Делан Олалла тIе а лаьцна, Далла уллохь хуьлчул».

²⁶ Ткъа мурдаш, кхин тIе а цецбевлла, вовшашка хьоттуш бара: «ТIаккха кIелхъара мила ваккхалур ву те?» — бохуш.

²⁷ Цаьрга а хьобжуш, Ийсас элира: «Иза адамашка далур долуш хIума дац, амма Деле далур ду, Дела дерриге а дан ницкъ болуш волу дела».

²⁸ Кипас элира тIаккха Цуьнга: «Хъажахъа! Дерриге Iадда а дитина, Хъуна тIаьхъа хIиттина-кх тхо».

²⁹ Ийсас жоп делира: «Баккъалла а боху шуьга: массарна а шайн цIа а, я вежарий-йижарий а, я да а, нана а, я шайн латта а Сан дуьхъа а, хазачу кхоан дуьхъа а дитинчарна ³⁰ бIюзза сов лур ду цIенош а, вежарий а, йижарий а, наной а, берашший а, латтий а. Цаьрца цхъаьна ницкъ хилар а хир ду царна, ткъа тIейогIучу хенахь Дела волчохь цкъа а хедар доцу дахар а хир ду. ³¹ Амма хIинца хьалхе йоккхуш болу дукхахберш тIаьхъара хир бу, ткъа тIаьхъарнаш хьалхара хир бу».

*Ийсас кхозлагIа а Шен Южаллех а,
Ша денлург хиларх а лаьцна дуйцу
(Маттай 20:17-19; Лака 18:31-34)*

³² Уьш кхин дIа а Ярушалайме дIабахара. Ийса хьалхаваьлла вогIура, ткъа цецбевлла мурдаш а, нах а кхерамца Цунна тIаьхъа хIиттина боьлхура. Ийсас юха а, Шен шийтта мурд юьстах а ваьккхина, Шех хиндерг дийцира царна: ³³ «ЛадогIалаш! Вай Ярушалайме доьлхуш ду, цигахь Адамын КIант динан коьрта дайн а, Iелам нехан а кара лур ву, тIаккха цара Цунна вен кхел а ийир ю, Иза кхечу къаьмнийн нехан кара дIа а лур ву. ³⁴ Цара хьийзор а ву, шеташ а кхуйсур ю Цунна тIе, шед еттар а ю, вуьйр а ву, амма кхозлагIчу дийнахь Иза денлур ву».

^{10:31} Маттай 20:16; Лака 13:30.

*Якъубан а, Яхъьян а дехар
(Маттай 20:20-28)*

³⁵ ТIаккха Зевадин шина кIанта Якъуба а, Яхъяс а, Ийсана тIе а вахана, элира: «Устаз! Тхан дехар кхочушдан лаьар-кх тхуна Ахъа».

³⁶ «Ткъа Ас хIун дан лаьара шуна?» — элира Ийсас.

³⁷ Цара жоп делира: «Хъан олаллин нуьрехь Хъуна юххехь хилийтахь тхо, цхъаь Хъан аьтту агIор, важа аьрру агIор», — аьлла.

³⁸ Амма Ийсас элира цаьрга: «Шаьш хIун доьху а ца хаьа шуна. Ас молу къаьхъа кад малалур буй те шуьга? Со чекхволучу баланийн хIордах дов-лалур дуй те шу?»

³⁹ Цара жоп делира: «Далур ду тхоьга иза», — аьлла.

ТIаккха Ийсас элира цаьрга: «Аса молу къаьхъа кад а мер бу аша, Со чекхволучу баланийн хIордах а чекхдевр ду шу, ⁴⁰ амма Сайн аьтту агIор, я аьрру агIор охъааор — иза Сан карахь дац. И меттигаш цхъаболчу нахана кечийна, уьш хила еьзачеран хир ю».

⁴¹ Иза шайна хезча, висина итт мурд оьгIазвахара Якъубана а, Яхъяна а. ⁴² ТIаккха Ийсас, уьш Шена тIе а кхайкхина, элира цаьрга: «Шуна хаьа, шаьш нахана юкъахь элий ду бохучара олалла дой царна тIехь, ткъа лакхара хьалдолчу наха уьш бацабойла. ⁴³ Амма шуна юкъахь ма хуьлийла иштта. Ткъа шуна юкъахь лакхара хила лууш верг шун ялхо хуьлийла, ⁴⁴ я шун юкъара ша хьалхара хила лууш верг массеран а лай хуьлийла. ⁴⁵ ХIунда аьлча Адамын КIант Шена хьалхара гIуллакх дайта ца веана, амма Ша гIуллакх дан а, Шен дахар дIадала а веана, дукхахболчеран къинош дIатакхархъама».

*Ийсас бIаьрзе Бар-Тхъамай туовар
(Маттай 20:29-34; Лака 18:35-43)*

⁴⁶ Ийса мурдашца Ерихоне веанера. ТIаккха Иза Шен мурдашца а, алссам долчу адамашца а цу гIалара араволучу хенахь бIаьрзе волу Тхъамайн кIант Бар-Тхъамай вара, некъа йисте а хиьна, сагIа доьхуш. ⁴⁷ Назартхо Ийса вогIуш вуй а хезна, иза, мохь а бетташ, бохуш вара: «Ийса, Дадан кIант! Къинхетам бехъа сох». ⁴⁸ Дукхахболчара иза чехавора, гIовгIа ма е а бохуш, амма и кхин а чIогIа мохь бетта вуьйлира: «Дадан кIант! Къинхетам бехъа сох!» — бохуш.

⁴⁹ Ийсас, саца а сецна, иза Шена тIекхайкхийтира.

БIаьрзечуьнга: «Доьналла долуш хила, тIевола боху хьобга!» — аьлла, кхайкхира уьш. ⁵⁰ Шен тIехулара бедар дIа а яьккхина, хъала а кхоссавелла, Ийсана тIе веара иза.

⁵¹ «Хъуна хIун оьшу Соьгара?» — хаьттира Ийсас.

^{10:38} Лака 12:50. ^{10:42}, ⁴³ Лака 22:25, 26. ^{10:43}, ⁴⁴ Маттай 23:11; Марк 9:35; Лака 22:26.

Блаързечо элира Цуьнга: «Устаз! Блаърса ган лаа суна».

⁵² Иийсас элира: «Давало, хьан тешаро к'елхьарваьккхи хьо».

Цу сохьта блаърса а деана, Иийсана т'аьхьах'оьттина некъахула вахара иза.

Иийса декъалварца Ярушалайма чувар

(Маттай 21:1-11; Лака 19:28-40; Яхьья 12:12-19)

11 ¹Ярушалайме воьдучу новкъахь, Зайт-диттийн ламанца йолчу Бет-Паг а, Бет-Х'ина а меттигашка шайш кхаьчча, Шен мурдех ший хьалхахьажийра Иийсас. ²Царна Цо т'едиллира: «Шайна хьалха лаьттаху юьрта чу го. Шу юьрта чу довллушехь, йихкина лаьтташ, адамех цхьа а шена т'е а хааза, къона вир гур ю шуна, иза д'а а ястий, схьаялае. ³Ткъа цхьаммо шайга хаттахь: „И х'ун ду аша дийриг?“ — аьлла, „Элана оьшу х'ара, Цо сихха юаерзайойтур ю х'ара“, — ала».

⁴Мурдаш бахча, царна араьх кевнах йихкина къона вир а гира, цара иза д'а а яьстира. ⁵Цигаьх лаьттахь цхьаболчара хьаттира: «Аша х'ун леладо, д'а стенна йосту аша иза?» — аьлла. ⁶Иийсас шайга ма-аллара, жоп делира мурдаша, т'аккха вукхара д'ахийцира уьш. ⁷Цара, вир схьа а ялийна, цунна т'е шайн т'ехулара бедарш тийсира, ткъа Иийса цунна т'е хирира. ⁸Дукхахболчара шайн т'ехулара бедарш Цунна хьалха некъа т'е охьатуьйсура, вукхара, дитташ т'ера гаьннаш а дохуш, уьш некъа т'е охьадохкура. ⁹Хьалха бевлла а, т'аьхьа х'иттина а бог'учара ч'ог'а маьхьарий деттара: „Х'ишанна!“

„Декъала ву Везачу Элана ц'арах вог'уш Верг!“

¹⁰ Декъала ю т'ейог'ур йолу вайн ден Даудан пачхьалкх! Х'ишанна! Хастам стигалшкара Веза Воккхачу Далла».

¹¹Иийса, Ярушалайме а веана, Делан ц'ийнан керта чу велира. Кертахь массанхьа а д'аса а хьаьжна, хан яьлла хиларна, Шен шийтта мурд а эцна, Бет-Х'ине вахара.

Комарийн диттана сардам боллар

(Маттай 21:18, 19)

¹²Шолг'ачу дийнахь х'орш Бет-Х'инера схьабевллачу хенахь Иийса мацвеллера. ¹³Геннара, т'ехь дукха г'аш долу комарийн дитт а гина, цунна т'е вахара Иийса, т'ехь комарш юй те хьажа. Диттана т'евеача, г'аш до-цург х'умма а ца карийра Цунна, х'унда аьлча х'инца а стом хуьлу хан яцара. ¹⁴Т'аккха Иийсас элира дитте: «Х'инца дуьйна цхьаммо а, цкъа а стом ма боййла хьуна т'ера!»

Цуьнан мурдашна хезира Цо иза олуш.

* ^{11:9} Х'ишанна! — арамхойн маттахь «К'елхьара даха Ахь тхо х'инца!» бохург ду.

Делан ц'ийнан керта ц'анъяр

(Маттай 21:12-17; Лака 19:45-48; Яхьья 2:13-22)

¹⁵Уьш Ярушалайме баьхкира, цигара Делан ц'ийнан керта ваьлча, цу кертахь йохкаэцар лелош болу нах д'алоьхкура Иийсас. Ахчанаш хуьйцу-черан г'опастанаш¹ а, кхокхарчий духкучеран г'анташ а харцийра Цо. ¹⁶Т'аккха цхьаьнгте а шайн юхку х'уманаш Делан ц'ийнан кертахула д'аса ца йохуьйтура Цо. ¹⁷Иийсас хьехамаш бора царна:

«Яздина дац:

„Сан Ц'ийнах массо а къаьмнашна а до'анан ц'а хир ду?“

Ткъа аша кхунах „зуламхойн бен“ бина».

¹⁸Иелам нахана а, динан коьртачу дайшна а д'ахезира иза. Цара ойла йора, Иийса х'аллак муха виьр вара те бохуш. Уьш Цунах кхоьбура, х'унда аьлча массо а халкъ цецдуьйтура Цуьнан хьехамех. ¹⁹Суьйранна, хан яьлча, Иийса, Шен мурдашца ара а ваьлла, д'авахара оцу г'алара.

Дакъаделлачу комарийн диттах лаьцна хьехам

(Маттай 21:20-22)

²⁰Юьйранна, комарийн диттана уллохула чекхбовлуш, царна иза орамаш т'ера дуьйна дакъаделла гира. ²¹Т'аккха, дага а деана, Кипас элира Иийса-га: «Устаз! Хьажахь, Ахь сардам боьल्लीна комарийн дитт дакъаделла-кх».

²²Иийсас жоп луш, элира цаьрга: «Делах тешар хила! ²³Аса баккъалла а боху шуьга: нагахь цхьаммо х'окху ломе олу-кх: „Хьала а балий, х'ордана чу кхоссало“, — шен даг чохь шеко а йоцуш, ткъа ша аьларг билггала хирг хиларх теша а тешаш и хилча, хир ду цунна цо аьларг. ²⁴Цундела боху шуьга: дерриге а шайн до'ан т'ехь аш мел доьхург делла хиларх тешаш хила — т'аккха аш доьхург лур ду шуна. ²⁵Шайш до'а дечу хенахь шайн даг чохь цхьанна вас елахь, къинт'ера довла цунна, шайн къиношна а Стигаларчу Дега гечдайтархьама*».

Иийсан олалла шеконе диллар

(Маттай 21:23-27; Лака 20:1-8)

²⁷Юха а Ярушалайме баьхкира уьш. Ткъа Иийса Делан ц'ийнан кертахь лелачу хенахь, динан коьрта дай а, Иелам нах а бакхийнаш а баьхкира Цунна т'е. ²⁸Цара элира Иийсага: «Муьлхачу бакъонца ду Ахь деш дерг? Хьан елла Хьуна и бакъо?»

* ^{11:26} Цхьадолчу тептарш т'ехь д'аяздина ду: «Нагахь санна аш геч ца дахь, шун Стигаларчу Дас а гечдийр дац шун къиношна».

²⁹ Ийисас, жоп луш, элира цаьрга: «Аса а дийр дара шуьга цхьа хаттар, аш Суна жоп лахь, тIаккха Аса а эр ду шуьга, хьенан бакъонца деш ду и дерриг а. ³⁰ Яхьяс хих чекхвакхар стигалара дара я адамашкара дара? — жоп лол Суна!»

³¹ Тебаьхкинарш вовше барт бан хIиттира: «Нагахь вай: „Стигалара яра“, алахь, Цо хоттур ду: „Цунах хIунда ца тийшира шу?“ — аьлла. ³² Амма нагахь: „Адамашкара яра“, — алахь, ...» (Уьш халкъах ца хIуттура, хIунда аьлча массарна а Яхьяс билгала пайхамар хетара.)

³³ Цара Ийисага жоп делира: «Ца хаьа тхуна», — аьлла.

ТIаккха Ийисас а дуьхьал элира: «Ас а эр дац шуьга, муьлхачу бакъонца деш ду Айса деш дерг».

Кемсийн беш лелорхочух лаьцна хьекъале дийцар
(Маттай 21:33-46; Лака 20:9-19)

12 ¹ Ийиса юха а хьекъале дустаршца хьехамаш бан волавелира халкъана: «Цхьана стага кемсаш йийна хилла, гонах керт а йина, кертахь мутт даккха ор а кечдина, Iуналлина бIов а хIоттийна. Уьш лело белхалой а лаьцна, цIера ваьлла хилла иза. ² Кемсаш хуьлу хан тIекхаьчча, белхалошна тIе ялхо вахийтина хIусамдас, шена догIу кемсийн дакъа схьаэцийта. ³ Ткъа белхалоша и ялхо, схьа а лаьцна, етта а йиттина, ваьсса дIахьажийна. ⁴ ХIусамдас кхин а цхьа ялхо вахийтина, амма цара коьртах тIулгаш а диттина, сийсаз а вина, дIавахийтина иза а. ⁵ Юха а кхиверг вахийтина цо, амма иза вийна, кхин цига мел хьажийначарна белхалоша я еттара цара, я бойура уьш. ⁶ Кхин вахийта цхьа а ца висина, тIаьххара а шен хьоме кIант хьажийна цига хIусамдас, шен дагахь: „Сан кIанте-м ларам хир ма бу церан“, — аьлла. ⁷ Ткъа белхалоша вовшашлахь сацам бина: „Иза хин волу хIусамда ву, вай иза вуьйр ву, тIаккха цуьнан бахам вайна буьсур бу“. ⁸ Цара иза, схьа а лаьцна, вен а вийна, кемсийн бешара кхоьссина дIаваьккхина.

⁹ Ткъа хIинца хIун дийр ду хIусамдас? Ван а веана, и белхалой байа а байина, кхечаьрга дIалур ю-кх кемсийн беш. ¹⁰ Делан йозанаш тIехь ца дешна те аш цунах лаьцна:

„Гишло еш, пхьераша дIакхоьссина тIулг
цIийнан сонан йистера коьрта тIулг, хилла, дIахIоьттина.

¹¹ Иза Везачу Элера ду,
вайна гергахь и чIогIа инзаре а ду!“»

¹² И дийцар шайна дуьхьал далийна дуй кхетта, Ийиса лаца аьтто лобхура динан дайша а, Иелам наха а. Амма шаьш нахах кхоьру дела, Иза Iад а витина, дIабахара уьш.

^{12:1} ЕшаI-ЯхIу 5:1, 2. ^{12:10}, ¹¹ Забур 117:22, 23.

Паччахьна ял яларх лаьцна
(Маттай 22:15-22; Лака 20:20-26)

¹³ Муьлхачу а дашна тIехь ваьлла а, Ийиса галвалахь, Иза лацархьама цхьаболу парухой¹ а, ХIарод-паччахьна тIаьхьа хIиттина нах а бохуйту цара Цунна тIе. ¹⁴ Ткъа тIебаьхкича, цара хаттар до Ийисага: «Устаз! Тхуна хаьа Ахьа бакъдерг дуьйцийла. Наха Хьайна олучух гIайгIа беш а вац Хьо, хIунда аьлча Хьо стеган дарже ца хьожу. Мелхо а, Далла тIе боьду некъ нийса хьобху Ахь. Нийса дуй те римхойн паччахьна ял ялар я дац? Ло оха, я ма ло?»

¹⁵ Амма церан мекарло евзаш, Ийисас элира цаьрга: «Со стенна зов аш? Схьадал Соьга цхьа динари² ахча, Суна иза гуш хилийта».

¹⁶ Цара ахча схьадеара. ТIаккха Ийисас элира: «Хьенан сурт ду кху тIехь диллинарг, хьенан цIе ю язйина?»

«Римхойн паччахьан ю-кх», — элира цара Цуьнга. ¹⁷ ТIаккха Ийисас жоп делира цаьрга: «Делахь паччахьна паччахьна доггIург дIало, Далла — Далла доггIург».

Уьш цецбевлла бисира Цуьнан жобпах.

Денваларх лаьцна
(Маттай 22. 23-33; Лака 20. 27-40)

¹⁸ Цул тIаьхьа Ийисана тIе цхьаболу садукъой³ баьхкира. Уьш ца тешара велла стаг денваларх. ¹⁹ Цара хаьттира Ийисага: «Устаз! Муса-пайхамаро яздина вайна: „Нагахь стаг велча, цуьнан зуда доьзалхо воцуш йисахь, веллачун вашас и зуда яло еза шен вешин тIаьхье меттахIотто“. ²⁰ ВорхI ваша хилла. Хьалхарчо зуда ялийна, амма и лечу хенахь доьзалхо ца хилла цуьнан. ²¹ ШолгIачу вашас йигна и шен веших йиснарг. Иза а велла, кхин доьзалхо а воцуш, изза хилира кхозлагIчу вешица а. ²² ВорхIе а вашас ялийна иза, цхьа а бер доцуш, уьш белла. Эххар и зуда а елла. ²³ Масала, уьш беллачуьра денбеллачу дийнахь, царах хьенан зуда хир ю иза, ворх-хIангахь а иза марехь хилла хилча?»

²⁴ Ийисас жоп делира цаьрга: «Делан Йозанаш ца хааро а, Делан ницкъ ца бовзаро а тиладолуьйтуш дуй те шу? ²⁵ Беллачуьра денбеллачара зударий а балор бац, маре а гIур бац, амма стигаларчу маликех тарлур бу уьш. ²⁶ Ткъа белларш денлург хиларх лаьцна ца дешна аш Муса-пайхамаран тептарш тIехь, Дала цуьнга коканийн колл йогучу хенахь аьларг: „Со ИбрахIиман а, Исхьакхан а, Якъубан а Дела ву“, — аьлла? ²⁷ Дела беллачеран Дела вац, амма дийначеран Дела ву! Ткъа шу чIогIа тиладелла ду».

^{12:18} Векалийн 23:8. ^{12:19} Карлабаьккхинарг 25:5. ^{12:26} Арадаккхар 3:6.

Муьлха ду Дала тІедиллинчу гІуллакхех коьртаниг?

(Маттай 22:34-40; Лака 10:25-28)

²⁸ Цара дуьйцург а хезна, Иийсас шен меттахъ жоп далар а гина, Іелам нахах цхьаммо, тІе а веана, хаьттира Цуьнга: «Дала тІедиллинчу гІуллакхех уггар коьртаниг муьлха ду?»

²⁹ Иийсас жоп делира цуьнга: «Царах коьртаниг хІара ду:

„ЛадогІа, Израилан халкъ! Вайн Веза Дела — цхьа Веза Эла ву!

³⁰ Хьайн Веза Дела доггах, доллучу синца а,

дерриг а хьекъалца а,

берриге а ницкъаца а веза“,

И ду коьрта гІуллакх! ³¹ ШолгІаниг а иштта ду:

„Хьо санна веза хьайна уллораниг а“.

Царал коьртанаш цхьа а дац».

³² «Хаза эли Ахь», — элира жоьпана дуьхьал Іелам стага. «Нийса боху Ахь, Устаз! Дела цхьаь ву, И воцург кхин дела вац. ³³ Иза хьайн доггах а веза, доллучу хьекъалца а, боллучу ницкъаца а, хьо санна веза хьайна уллораниг а — иза массо сагІанал а, цІий даккхарал а де-за ду».

³⁴ Цу Іелам стага хьекъалца жоп далар а гина, Иийсас элира цуьнга: «Ге-на вац хьо Делан Олаллехъ Далла уллохъ хиларна». Цул тІаьхьа цхьа а ца хІоьттира Иийсага хаттарш дан.

Дала леррина Кьобалвинчух лаьцна хаттар

(Маттай 22:41-46; Лака 20:41-44)

³⁵ Кхин дІа а Делан цІийнан кертахъ хьехамаш беш Иийсас элира: «Іе-лам наха хІунда олу: „Дала леррина Кьобалвинарг Даудан кІант ву“?

³⁶ Дауда а, ша Делан Синах вуьзначу хенахъ, ма аьлла:

„Везачу Эло сан Хьалдолчу Эле аьлла:

Суна аьтту агІор охьахаа,

Аса Хьан мостагІий Хьан когашка охьабахккалц“

³⁷ Нагахъ Дауда а Цунах „Хьалдолу Эла“ аьлча, цуьнан кІант муха хуь-лу И Дала леррина Кьобалвинарг?»

Массо а адам там хиларца ладугІуш дара Иийсага.

Іелам нахах ларлолаш

(Маттай 23:1-36; Лака 20:45-47)

³⁸ Шен хьехамашкахъ Цо бохура: «Базаран майданашкахъ шайга мар-шалла хоттуш хазахеташ болчу, деа духарш а духуш кечлучу Іелам нахах

ларлолаш. ³⁹ Царна лаьа гуламан цІа чохъ а, тойнехъ а баьрччехъ Іан. ⁴⁰ Цара бисина Іан зударий шайн цІенойх а боху, шаьш гайтархьама деа доІанаш а до. Амма ишттачарна луьра таІзар хир ду».

Йисина Іачу зудчун сагІа

(Лака 21:1-4)

⁴¹ Делан цІийнан кертахъ сагІа гулдечу хазнина дуьхьал а хиьна, наха сагІина чутосучу ахчанан тидам беш вара Иийса. Дукхахболчу хьолахоша дуккха а дуьллура. ⁴² Ткъа цхьа йисина Іачу кьен зудчо, тІе а еана, ши жима цІестан ахча охьадиллира. ⁴³ Шен мурдаш тІе а кхайкхина, Иийсас элира цаьрга: «Бакъдерг боху шуьга, хІокху йисна Іачу кьен зудчо сагІи-на делларг массара деллачул а деза ду. ⁴⁴ Вукхара шайн хьолах совдаьл-ларг луш дара, ткъа хІокхо, шен таро йоццухехъ, шен мел дерг а охьа-диллира».

Делан цІа дохор хиларх лаьцна

(Маттай 24:1, 2; Лака 21:5, 6)

13 ¹ Иийса Делан цІийнан кертара араволучу хенахъ мурдех цхьаммо элира Цуьнга: «Устаз! Хьажахъ, ма хаза ду и тІулгаш а, гІишлош а!»

² Иийсас дуьхьал жоп делира: «Гой хьуна и яккхий гІишлош? И дерриге а хІаллакдийр ду, тІулга тІехъ тІулг а ца буьтуш».

ТІаьхьарчу заманан билгалонаш

(Маттай 24:3-14; Лака 21:7-19)

³ Иийса Зайт-диттийн лам тІехъ Делан цІийнан кертана дуьхьал хиьна Іаш волуш, Кипас а, Якъуба а, Яхьяс а, Іандара а хаьттира Цуьнга, уьш шаьш бисча: ⁴ «Алахъ тхоьга, маца а хир ду иза, хІун билгало а хир ю и хиндерг кхочуш хуьлуш?»

⁵ Царна жоп а луш, Иийсас элира: «Ларлолаш, шаьш ле ма дайталаш, ⁶ хІунда аьлча Сан цІарца дукха нах богІур бу. „Со ву Иза“, — бохуш, дукхаберш Іехор бу цара. ⁷ Нагахъ тІемах я цунах лаьцна хІума шайна хазахъ, шу дохий ма хьовза, хІунда аьлча и дерриг а хила дезаш ду. Амма иза а тІаьхьара де дац. ⁸ Халкъана дуьхьал халкъ гІоттур ду, мохк мах-кана дуьхьал бер бу. МаьІ-маьІІехъ чІогІа мохк бегор бу, мацалла а хир ю. Иза, берах хьийзош йолчу зудчун санна, халчу баланийн юьхъ бен хир яц.

⁹ Амма шу сема хилалаш, хІунда аьлча шу дІа а лобьцур ду, гуламан цІеношкахъ еттар а ю шуна, куьйгалхошна а, паччахьашна а хьалха хІиттор а ду шу, Со бахьанехъ шайна хьалха тоьшаллаш дайтархьама. ¹⁰ Ткъа хьалха хаза кхьаь массо а кьаьмнашна дІакхачо беза. ¹¹ ТІаккха,

^{12:29, 30} Карлабаьккхинарг 6:4, 5. ^{12:31} Іамалгяр 19:18. ^{12:32} Карлабаьккхинарг 4:35.

^{12:33} ХІушаІ 6:6. ^{12:28-34} Лака 10:25-28. ^{12:36} Забур 109:1.

^{13:9-11} Маттай 10:17-20; Лака 12:11, 12.

шашь царна хьалха кхеле хІиттинчу хенахь, хьалхе дуьйна гІайгІа ма белаш, шашь ала дезачун, ткъа цу сохьта шайна дага тасийтинарг дІа-ала. ХІунда аьлча цу хенахь аш шашь а ца олуш, амма Делан Сино шуб-гахула эр ду ала дезарг».

¹² «Вашас, вешина ямарта а хилла, иза вейта дІалур ву. Ткъа дас берашна а изза дийр ду. ТІаккха бераша, шайн дайшна-наношна дубьхал а гІевтина, уьш бойур а бу. ¹³ Сан цІе бахьана долуш цхьан-на а дезар дац шу, амма и дерриге а чекхдаллалц лайнарг кІелхьар-воккхур ву».

Боккха гІайгІа-бала

(Маттай 24:15-28; Лака 21:20-24)

¹⁴ «Ткъа хІотто ца дезадохь, „вас еш йолу кьемате хІума“ хІоттийна шайна гича (хІара доьшург нийса кхетийла!), тІаккха цу хенахь ЯхІуд-махкахь нисвелларг лаьмнашка дІаводийла. ¹⁵ Тхов тІехь нисвелларг, охьа а воьссина цІа чу ма гІо, цо шен цІа чуьра цхьа хІума схьа ма эца. ¹⁶ Ткъа аренгахь нисвелларг, шен тІеюху хІума схьаобцур яра ша аьлла, цІа ма вогІийла. ¹⁷ Боккхачу баланехь хир бу цу дийнахь доьзалхочух болу а, бераш дакхош болу а зударий. ¹⁸ Шашь довда дезар Іай ца хилийтар Де-ле дехалаш. ¹⁹ ХІунда аьлча оцу деношкахь, Дала дуьне кхоьллингхьана дуьйна ца хиллачу кепара, кхин цул тІаьхьа а хир боцучу тайпана гІайгІа-бала хир бу. ²⁰ Везачу Эло и денош дац ца динехьара, цхьа а кІелхьарвалалур вацара, амма Ша кьастийначеран дубьхьа дацдина Цо и денош. ²¹ Цхьаммо шайга цу хенахь „Хьажал! Кхузахь ву шуна Дала леррина Кьобалвинарг!“ я „Цигахь ву шуна!“ алахь, цунах ма тешалаш, ²² хІунда аьлча цу заманчохь харцпайхамарш а, шашь Дала леррина Кьобалди-нарш бу бохурш а гучубевр бу. Цара тамашийна гІуллакхаш а, тамаший-на билгалонаш а гойтур ю, шайн йиш хилахь, Дала хаьржинарш а Іехорхьама. ²³ Амма шу ларлолаш! Ас хьалххе дІахоуьйту шубга и дерриге а хиндерг».

Адамийн КІант схьавар

(Маттай 24:29-31; Лака 21:25-28)

²⁴ «Амма оцу деношкахь, и баланахь тІехІоьттинчул тІаьхьа, „малх кхулур бу, батто а серло лур яц, ²⁵ стигалара седарчий а охьаобгур ду, стигалийн нуьцкьалалла а леста йолалур ю“».

^{13:13} Маттай 10:22. ^{13:14} Даниал 9:27; 11:31; 12:11. ^{13:15, 16} Лака 17:31. ^{13:19} Даниал 12:1; Довзийтинарг 7:14. ^{13:24} ЕшаІ-ЯхІу 13:10; Юал 2:10, 31; 3:15; Довзийтинарг 6:12; Яхьазкхил 32:7. ^{13:25} ЕшаІ-ЯхІу 34:4; Довзийтинарг 6:13; Юал 2:10.

²⁶ «ТІаккха гур ву царна Шен боккхачу ницкъаца а, сийлаллица а мар-хаш тІехула вогІу Адамийн КІант. ²⁷ Оцу хенахь Цо, Шен маликаш а хьажийна, дуьненан съа а маьПера Шен кьастийнарш дІагулбийр бу лаьттан йистера стигалан йисте кхаччалц».

Комарийн дитт масална далош дина дуьстар

(Маттай 24:32-35; Лака 21:29-33)

²⁸ «Масала, схьаэца комарийн диттах хьехам: цуьнан гаьннаш кІад а делла, гІа тосучу хенахь, хаьа шуна аьхке герга кхачнийла. ²⁹ Иштта, и хІуманаш кхочушхуьлуш шайна гича, хаа ду шуна Адамийн КІентан зама герга юйла а, Иза неІарехь вуйла а. ³⁰ Бакьдерг боху шубга: ХІара адамийн тІаьхье чекхьялале хир ду и дерриг а. ³¹ Стигаллий, латтий кьайладаьлча а, Сан дешнаш довр дац».

Де а, сахьт а цхьанна а ца хаьа

(Маттай 24:36-44)

³² «Ткъа и де а, и сахьт а цхьанна а ца хаьа, я стигалара маликашна а, я КІантана а, Да воцучунна. ³³ Варелаш, сема хилалаш, хІунда аьлча и хан тІе маца кхочу ца хаьа шуна. ³⁴ Масала, цхьаммо шен цІера а ваьлла, ген-на новкъа волучу хенахь, шен ялхойн кара олалла а делла, хІоранна а шен-шен гІуллакх дІа а делла, гІаролана сема хилар тІеуьллу. ³⁵ Иштта сема хилалаш! ХІунда аьлча шуна ца хаьа хІусаман да цІа маца вогІур ву, суьйранна, я буйса юккье яхача, я нІаьний кхойкхучу хенахь, я сатосуш. ³⁶ ЦІехьхьана иза цІа веача, шашь дийшина ма карадайталаш. ³⁷ Ас юха а боху шубга массаьрга а, хІоранга а: „Сема хилалаш!“»

Іийса вен бина болу барт

(Маттай 26:1-5; Лака 22:1, 2; Яхьья 11:45-53)

14 ¹ Ши де даьлча тІедан дезаш дара «Пасахь¹» олу совсазчу баьпкан деза де. ХІилланца схьа а лаьцна, Іийса вен аьтто лоьхуш бара динан коьрта дай а, Іелам нах а. ² Амма адам эргІаддаларх кхоьруш, иза дезачу деношкахь кхочушдан ца лаьара царна.

Бет-ХІинехь Іийсана тІе деза даьтта доттар

(Маттай 26:6-13; Яхьья 12:1-8)

³ Іийса Бет-ХІинехь волуш, чкъуран юха ца йоьрзу цамгар кхетта волчу ШамІин цІахь Иза хІума юуш Іачу хенахь, мехалчу кхаби чохь, цІеначу, нард олучу зезаган орамех даьккхина деза даьтта а дахьаш, зуда чуелира. И кхаба, йоха а йина, даьтта Іийсан коьрта тІе доьттира цо. ⁴ Цхьаболчара,

^{13:26} Даниал 7:13; Довзийтинарг 1:7. ^{13:32} Маттай 24:36. ^{13:34} Лака 12:36-38.

^{14:1} Арадаккхар 12:1-27. ^{14:3} Лака 7:37, 38.

резабоцуш, оьґазаллица вовшашка бохура: «Стенна оьшура иштта харж ян? ⁵ХIунда аьлча и даьтта кхо бIе а сов динари^д ахчанах дохка мегар ма дара, тIаккха и ахча мискачарна а доькьуш».

Оцу зудчунна хамталлаш йора цара.

⁶Амма Иийсас элира: «Iадийтийша и зуда, эхь хIунда хоьтуьйту аш цунна? Цо Суна динарг дика гIуллакх ду-кх. ⁷ХIунда аьлча мисканаш гуттар а хир бу шуна юххехь, царна шайна лиьначу хенахь лур ду аш сагIа, ткьа Со даим хир вац шуьца. ⁸Со дIаволларна хьалххе кечам би цо, шеге далург деш. ⁹Аса баккьалла а боху шуьга: дерриг а дуьнен тIехь, и хаза кхаь кхайкхочу массо а меттехь, цу зудчо динарг, цуьнан сий айдеш, хьахор ду».

ЯхIуд-Искархо Иийсана ямартло ян реза хилар
(Маттай 26:14-16; Лака 22:3-6)

¹⁰ТIаккха ЯхIуд Искархо, Иийсан шийтта мурдах цхьаь, динан коьртачу дайшна тIевахара, ямартло а йина, Иийса церан кара дIавалархьама. ¹¹И хезча, вукхара самукьадаларца цунна ахча дала барт бира. Ткьа ЯхIуда Иийса церан кара дIавала аьтто лобхура.

Иийсас Шен мурдашца Пасахьан пхьор даар
(Маттай 26:17-25; Лака 22:7-14, 21-23; Яхьья 13:21-30)

¹²Совсазчу баьпкан дезачу денойн дуьххьарлерчу дийнахь, Пасахьан Iахар а бийна, мурдаша Иийсага хаьттира: «Пасахьан пхьор мичахь дан лаьа Хьуна? Оха, дахана, кечийир ю чох».

¹³ТIаккха, Шен мурдех шийт вохуьйтуш, Иийсас цаьрга элира: «Шу гIа-ла чу гIю, ткьа цигахь кхаби чохь хи дахьаш вогIу цхьа стаг дуьхьалкхетар ву шуна, цунна тIаьххье дIагIо. ¹⁴Иза чу ваханчу цIийнан хIусамдега аш ала: „Устазо хоьтту: Сайн мурдашца Пасахьан суьйренан пхьор даа чох мичахь ю?“ ¹⁵Цо шуна лакха тIехь йоккха а йолуш, лаьтта хIума а тесна, кечийина чох гойтур ю, цу чохь кечам бийр бу аш вайна».

¹⁶Иийсан мурдаша, гIала а баьхкина, дерриг а Цо ма-бохху а карийна, Пасахьана кечам бира. ¹⁷Суьйре тIееача, Иийса Шен шийтта векалца цига веара. ¹⁸ДIа а тевжина, уьш хIума юуш бохкуш, Иийсас элира: «Баккьалла а боху шуьга, Соьца кхача бууш волчу шух цхьаммо ямартло йийр ю Суна».

¹⁹Уьш, и халахетта, Цуьнга баха буьйлабелира: «Со-м вац те иза?»*

²⁰Ткьа Иийсас жоп луш, элира цаьрга: «Шийттаннах цхьаь ву, Соьца кеда чу бепиг Iуттуш верг. ²¹Ткьа Адамийн КIант, Делан Йозанашна тIехь Цунах яздина ма-хиллара, кху дуьнен чуьра дIавоьдуш ву, амма де-кьаза ву-кх Цунна ямарта верг! Цунна дуьнен чу ца валар гIоле яра!»

* ^{14:19} *Цхьадолчу тентарш тIехь кхин дIаяздина ду:* Вукхо а элира: «Со-м вац хир ву иза?»

Везачу Элан суьйре
(Маттай 26:26-30; Лака 22:14-20; I Коринтхошка 11:23-25)

²²Цара хIума юучу хенахь, Иийсас, бепиг схьа а эцна, доIанца декьал а дина, декьа а декьна, Шен мурдашка дIа а кховдош, элира:

«Схьаэца — иза Сан дегI ду».

²³ТIаккха кад, схьа а эцна, Далла хастам а бина, Цо иза цаьрга дIаххов-дийра, ткьа цара массара а цу чуьра дIамелира. ²⁴Иийсас элира цаьрга: «ХIара Сан цIий ду, Делаца бина барт чIагIдеш долу, дукхахболчеран дуьхьа Iенор долу. ²⁵Билгтала боху шуьга: кемсех даьккхина долу кхин цхьа а малар Аса мер дац, Дала дIахIоттийначу Олаллехь керла чагIар молу де тIекхаччалц».

²⁶ТIаккха Далла хастаман назманаш а аьлла, Зайт-диттийн лам тIе ба-хара уьш.

Иийсас хьалххе дIахоуьйту Кипас Ша дIатосург хилар
(Маттай 26:31-35; Лака 22:31-34; Яхьья 13:36-38)

²⁷Шен мурдашка Иийсас элира: «Аша массара а Со дIатосур ву, хIунда аьлча яздина ду:

„Iуьнна чов йийр ю Аса,
ткьа уьстагIий дIасадовдур ду“, — аьлла».

²⁸«Амма веллачуьра денвеллачул тIаьхьа Галилай-махка шул хьалха кхочур ву Со».

²⁹Кипас элира Иийсага: «Массара дIатесча а, ас-м вуьтур вац Хьо».

³⁰ТIаккха Иийсас элира цуьнга: «Баккьалла а боху хьобга: тховса, шозза нIаьна кхайкхале, кхузза Сох дIакьаьстар ву хьо».

³¹Амма Кипас, кхин а чIагIдеш, элира: «Сан Хьобца вала дезахь а, со цкьа а Хьох дIакьаьстар вац». Изза вукхара а элира.

Иийсас Гатшамани-бешахь доIа дар
(Маттай 26:36-46; Лака 22:39-46)

³²Цул тIаьхьа Гатшамани олучу меттиге баьхкира уьш. Иийсас элира Шен мурдашка: «Ас доIа дечу юкьана, ховший Iе кхузахь». ³³ТIаккха Шеца Кипа а, Якьуб а, Яхьья а вигира Цо. Кхузахь Иийса синтем байна а, чIогIа сингаттаме а хилира. ³⁴Цо элира цаьрга: «Сан са Iожаллин гIайгIа-нехь ду. Аша кхузахь а совций, сема хан яккха».

³⁵Царна жимма дехьа а ваьлла, лаьтта а воьжна, Иийсас доIа дира: «Нагахь йиш елахь, дIакьастадоила Ахь Сох и кьизаллин сахьт», — ³⁶кхин а Цо элира: «Сан Дада! Дерриг а Хьан карахь ду, и кьаьхьа кад Суна юххехула чекхбак-кхяхь! Делахь а, Сан лаамца доцуш, Хьан лаамца хуьлийла дерриг а».

³⁷ Ша юхавирзича, Шен мурдаш бийшина Юхкуш карийра Цунна. Тпаккха Цо элира Кипе: «Шам!а, хьо наб еш ву? Цхьана сахътехь сема хила ца мегара хьо? ³⁸ Сема хила, до!анаш де, шаьш къилахь долчу лаамашна к!ел ца дисийта. Са сема хуьлу, ткъа дилха эг!аза ду».

³⁹ Юха а дехьо ваьлла, до!а дира Цо, изза дешнаш олуш. ⁴⁰ Юхавеча, кхин цкъа а бийшина карийра Иийсана уьш, х!унда аьлча церан б!аьрганег!арш дазделлера. Шаьш Иийсага х!ун эр ду а ца хууш биснера уьш.

⁴¹ Кхозлаг!а а т!евеана, элира Цо цаьрга: «Шу х!инца а наб еш, садо!уш ду? Тобар ду, т!едеана и сахът. Адамийн К!ант к!инош летийначеран каравоьду хан т!екхаьчна. ⁴² Дуьйло, хьалаг!овтта! Х!ара ву Суна ямартло ен верг».

Иийсана ямартло яр а, Иза схьалацар а
(Маттай 26:47-56; Лака 22:47-53; Яхьья 18:3-12)

⁴³ Оцу сохьта, Иийсас и оллушехь, т!евеара Ях!уд, шийттаннах цхьаь. Цунна т!аьхьах!обьтина адамийн тоба яра, карахь таррашший, хьокхий а долуш. Уьш хьовсийнера динан коьртачу дайша а, Иелам наха а, баккхийчара а. ⁴⁴ Иийсана ямарта волчо билгало йинера цаьрга: «Ас барт баьккхинарг Иза хир ву шуна, — аьлла, — И, схьа а лаций, ларвеш д!авига».

⁴⁵ Цу сохьта Иийсана т!е а вахана, цо элира: «Ва устаз!» Цул т!аьхьа Цунна барт баьккхира. ⁴⁶ Ткъа вукхара, т!е куьйгаш а кховдийна, схьалецира Иийса. ⁴⁷ Уллохь лаьтгачех цхьаммо, тур схьа а даьккхина, тоьхна, динан коьртачу ден ялхочун лерг даьккхира. ⁴⁸ Тпаккха Иийсас элира цаьрга: «Талорхо лаца доьлхуш санна, таррашший, хьокханаший ара ма девлла шу Со схьалаца? ⁴⁹ Делан ц!а чохь х!ора дийнахь ца хуьлура Со шуьца, хьехамаш а беш? Х!етахь ма ца лоцура аш Со? Амма Делан Йозанаш т!ехь яздинарг кхочушхила деза».

Д!аведда жима кьонах

⁵⁰ Цу хенахь, Иийса а витина, массо а мурдаш д!асабевдира. ⁵¹ Шен дерзинчу дег!а т!е шаршу хьарчийна волю цхьа жима кьонах Иийсана т!аьхьа х!обьтира. Амма т!емалоша и д!алецира. ⁵² Тпаккха т!емалойн карахь шаршу а юьтуш, иза верзина ма-варра д!аведира царях.

Иийса коьртачу кхеташонна хьалха х!оттор
(Маттай 26:57-68; Лака 22:54, 55, 63-71; Яхьья 18:13, 14, 19-24)

⁵³ Иийса динан коьрта да волчу ц!а валийра. Цигахь массо а динан коьрта дай а, баккхийнаш а, Иелам нах а гулбеллера. ⁵⁴ Иийсана гено т!аьхьа а х!обьтина, динан коьртачу ден керта чу велира Кипа. Иза динан коьртачу ден кертахь г!уллакх деш болчаьрца ц!арна хьалха вохлуш вара. ⁵⁵ Ткъа Иийсана веран кхел ярхьама, динан коьрта дай а, коьртачу кхеташонехь

мел верг а Иза бехке ван бахьана лобхуш бара, амма и бахьана ца карадора царна. ⁵⁶ Х!унда аьлча дукхахболчара харц тоьшаллаш дора Цунна дуьхьал, ткъа уьш цхьана ца дог!ура.

⁵⁷ Цхьаболчара, хьала а г!евттина, харц тоьшаллаш деш, элира: ⁵⁸ «Тхуна хезнера Цо олуш: „Аса адамаша куьйга дина х!ара Делан ц!а доха а дина, кхаа дийнахь кхин тайпа долу, куьйга дина доцург д!ах!оттор ду“, — аьлла».

⁵⁹ Амма церан тоьшаллаш а цхьаьнадог!уш дацара. ⁶⁰ Тпаккха динан коьртачу дас, юккье д!а а х!обьтина, хаьттира Иийсага: «Ахь цхьа а жоп ма ца ло? Цара Хьуна дуьхьал тоьшаллаш х!унда до?» — аьлла.

⁶¹ Ткъа Иийса дуьхьал вист а ца хилира, Цо цхьа а жоп ца делира царна. Юха а динан коьртачу дас хаьттира Цуьнга: «Хьо вуй Декьалволчун К!ант? Цо леррина Кьобалвинарг?»

⁶² Иийсас элира: «Со ву.

Шуна гур а ву Адамийн К!ант

Нуьцкъалчу Далла аьтто аг!ор х!ьна Иаш а,
стигалан мархашца охьавуссуш а».

⁶³ Тпаккха, шена т!ера бедар а ят!ийна, динан коьртачу дас элира: «Кхин х!ун тешаш оьшу вайна? ⁶⁴ Хезира-кх шуна И Далла луьйш, шуна муха хета?»

Цара массара а Иийса веран кхел кьобалйира. ⁶⁵ Тпаккха цхьаболчара Иийсана т!е туйнаш детта долийра, вукхара, Цуьнан б!аьргаш д!а а дихкина, буйнаш а детташ, олура: «Хьо пайхамар хилар гайта х!инца!»

Г!аролхоша а еттар Цунна.

Кипас Иийса д!атасар

(Маттай 26:69-75; Лака 22:56-62; Яхьья 18:15-18, 25-27)

⁶⁶ Кипа цу кертахь, лахахь волуш, динан коьртачу ден цхьа зуда-ялхо еара цига. ⁶⁷ Вохлуш волю Кипа а гина, цо, леррина юьхь-дуьхьал а хьаьжна, элира: «Хьо а вара-кх Назартера Иийсаца».

⁶⁸ Амма Кипас д!ахадийра: «Суна ахь х!ун боху а ца хаьа, со кхета а ца кхета ахь бохучух».

Иза а аьлла, Кипа кертан хьалха велира. Тпаккха н!аьна кхайкхира. ⁶⁹ Оццу зудчо, иза юха а гина, «Х!ара а ву царех цхьаь», — элира уллохь х!иттина болчаьрга.

⁷⁰ Кипас юха а т!е ца лецира цо бохург. Жимма Иийча, кхузахь лаьтташ болчара Кипе юха а элира: «Баккъалла а хьо ву-кх царех, х!унда аьлча хьо а ма-ву галилайхо».

⁷¹ Ткъа Кипа, дуйнаш а бууш, ч!аг!онаш ян волавелира: «Ца вевза суна И стаг, аш вуьйцуш верг».

⁷²Хіеттахъ шозлагІа а нІаьна кхайкхире. ТІаккха дагадеара Кипи-на Іийсас шега аьларг: «НІаьна шозза кхайкхале, ахъ кхузза дІатосур ву Со».

Кипа доггах вилхира.

Іийса Пулат волчу валаво

(Маттай 27:1, 2, 11-14; Лака 23:1-5; Яхьѡя 18:28-38)

15 ¹Сатосучу хенахъ, Іуьйре тІеярца, динан коьртачу дайша а, Іелам наха а, ерриге а коьртачу кхеташонехъ мел болчара а гулам бира. Оцу гуламо, сацам а бина, Іийса дІа а вихкина, Пулате дІавелира. ²Пулата хаьттира Цуьнга: «Хьо жуьгтийн кьоман Паччахъ ву?» — аьлла.

Ткъа Іийсас жоп делира цуьнга: «Ахъ боху-кх иза».

³Динан коьртачу дайша дуккха а хІуманна тІехъ бехке вора Іийса. ⁴Пулата юха а хаьттира Цуьнга: «Ахъ цхьа а жоп ма ца ло? Хьажал, Хьуна дуьхьал мел дукха бехкаш балабо».

⁵Амма Іийсас оцу хаттарна кхин цхьа а жоп ца делира, ткъа Пулат цунах чІогІа цецвуьйлуре.

Іийса вен кхел йо

(Маттай 27:15-26; Лака 23:13-25; Яхьѡя 18:39-19:16)

⁶ХІора Пасахъан дезачу дийнахъ чубоьхкинчех цхьаь, шега веххнарг, арахоьцуре Пулата халкъана. ⁷ХІетахъ цхьа хьенех вара, Барраб цІе а йолуш. Шен накъосташца Іедална дуьхьал адам карзахдаьлчачу хенахъ, цо стаг верна, иза чувоьллинера. ⁸ТІаккха гулделлачу халкъо, маьхъарий а хьоькхуш, хІинццалц санна тутмакхех цхьаь дІахецар дийхира Пулате. ⁹Цо дуьхьал хаьттира цаьрга: «Ас жуьгтийн кьоман Паччахъ дІавала лаьий шуна?» — аьлла.

¹⁰ХІунда аьлча Пулатана хаьара, динан коьртачу дайша Іийса шайн Цуьнга хьагІ йолу дела дІавеллий. ¹¹Амма динан коьртачу дайша халкъ иракарахІоттийнера, царна Барраб дІахецар гІоле хетийтархьама. ¹²Пулата юха а, жоп луш, элира цаьрга: «Ткъа аш жуьгтийн кьоман Паччахъ ву бохучунна хІун дан лаьа шуна ас?»

¹³Цара цо бохучунна дуьхьал маьхъарий хьаькхира: «ЖІарах дІатоха Иза!» — аьлла.

¹⁴Пулата хаьттира цаьрга: «ХІунда? Цо хІун зулам дина те?»

Амма наха кхин а чІогІа маьхъарий хьоькхура: «ЖІарах дІатоха Иза!» — бохуш.

¹⁵ТІаккха Пулата, халкъана луург а деш, Барраб дІахецийтира. Ткъа Іийса, шед а еттийтина, тІемалойн кара дІавелира жІарах дІатохийтархьама.

Іийса тІемалоша хьийзава

(Маттай 27:27-31; Яхьѡя 19:2, 3)

¹⁶ТІемалоша, Іийса керта а ваьккхина, йоккха, кхел кхайкхочу гІишло чу а вигна, тІемалойн ерриге а тоба гулийра. ¹⁷ТІаккха Цунна тІе цІен оба а кхоьблина, коканийн коьллек кочар а дина, иза Іийсан коьрта тІе диллира. ¹⁸Цул тІаьхьа, Іийса беларца «декъалвеш», цара бохура: «Декъала хуьлда жуьгтийн кьоман Паччахъ!»

¹⁹ТІаккха Цуьнан коьртах Іаса а етташ, Цунна тІе туйнаш деттара цара. Цул тІаьхьа, гора а хІиттина, корта беттаран сурт хІоттадора Цунна хьалха. ²⁰Шаш Іийса аьшнаш вина бевлча, Цунна тІера цІен духар дІа а даьккхина, Шен хІуманаш тІеюьйхира цара. ТІаккха жІарах дІатоха дІавигира Іийса.

Іийса жІарах дІатохар

(Маттай 27:32-44; Лака 23:26-43; Яхьѡя 19:17-27)

²¹ТІаккха шен кха тІера вогІу, Искандаран а, Рупан а да волу Къуринара ШамІа а сацийна, цуьнга Іийсан жІаран бІогІам дІабахьийтира цара. ²²Іийса «Галгатхьа» олучу метте схьавалийра цара (иза «туьтанан меттиг» бохург ду). ²³Ярийн муттанца эдина чагІар дала гІоьртира уьш Цунна, амма Іийсас иза ца мелира. ²⁴Іийса жІарах дІатуьйхира. ТІемалоша, кхаж а тесна, Цуьнан хІуманаш вовшашлахъ йийкьира. ²⁵УьссалгІа сахьт дара Іийса жІарах дІатухучу хенахъ.

²⁶Иза стенна бехке ву билгалдоккхуш, уьнна тІехъ яздинера: «Жуьгтийн кьоман Паччахъ», — аьлла.

²⁷Іийсаца ши талорхо вара жІарах дІатоьхна, цхьаь Цунна аьтту агІор, важа аьру агІор*.

²⁹Юххехула чекхбовлучара, вон баганаш а етташ, кортош а лестош, бохура Цуьнга: «ХІай! Делан цІа доха а дина, кхаа дийнахъ дІахІоттош верг! ³⁰Хьуо кІелхьара а воккхуш, охьавосса бІогІам тІера».

³¹Царах терра динан коьртачу дайша а, Іеламчу наха а, Цунах бела а боьлуш, вовшашка бохура: «Кхиберш кІелхьара а баьхна, Ша-м кІелхьара ца ваккхало! ³²Иза Дала леррина Кьобалвинарг а, Исаиран Паччахъ а велахъ, охьавосса веза-кх хІинца жІара тІера, вайна иза ган а гина, Шех тешийтархьама».

Цуьнца дІатоьхначу талорхоша а сийсазвохура Иза.

* ^{15:28} Цхьадолчу *тептарш* тІехъ: Кхочуш хилира Делан йозанаш тІехъ яздина: «ТІаккха зуламхо санна юкьатухур ву Иза», — бохург.

^{15:21} Римхошка 16:13. ^{15:24} Забур 21:19. ^{15:28} ЕшаІ-ЯхІу 53:12. ^{15:29} Забур 21:8; 108:25; Марк 14:58; Яхьѡя 2:19.

*Ийса кхалхар**(Маттай 27:45-56; Лака 23:44-49; Яхья 19:28-30)*

³³ Делкъахенахь лаьтта тIе цIеххана бода беара, кхаа сахьтехь лаьттира иза. ³⁴ Делкъал тIаьхьа кхо сахьт долучу хенахь, Ийсас чIогIа мохь туьйхира: «Элой, Элой, лема сабахьтани?» Цу дешнийн маьIна иштта ду: «Ва Сан Дела! Со хIунда вити Ахь?»

³⁵ Генахь боцуш лаьтгачара, и хезча, бохура: «Хьажахь, ЭлияхIу-пай-хамаре кхойкхуш ву-кх И».

³⁶ Ткъа цхаммо ведда, худург кемсийн къонзи чу а Iоьттина, иза хьокхана буххье а йоблила, Ийсага кховдийра, и Цуьнга малийтархьама.

«Собар дел, хьовсур ду вай, ЭлияхIу вогIий те ХIара жIаран тIера дIаваккха», — элира цо.

³⁷ Ткъа цу хенахь, чIогIа мохь а тоьхна, Ийса кхелхира. ³⁸ ХIеттахь Делан цIийнан чохь, уггар езачу чоьнна дуьхьал оьлила кирхьа лакхара дуьйна лаха кхаччалц декъаделира. ³⁹ Ийсана дуьхьал лаьтташ волчу тIеман хьаькамо, Цо Шен са иштта дIалуш гича, элира: «И стаг бакъонца Делан КIант вара».

⁴⁰ Геннара хьобжуш лаьтташ зударий а бара кхузахь: царна юкьахь Магдалера Марем а, жимаха волчу Якъубан а, Юшан а нана Марем а, Шалумат а яра. ⁴¹ Ийса Галилай-махкахь волуш, Цунна гIуллакх деш тIаьхьахIиттина бара уьш. Иштта дуккха а Цуьнца цхьаьна Ярушалайме баьхкина болу зударий бара кхузахь.

*Ийса дIаволлар**(Маттай 27:57-61; Лака 23:50-56; Яхья 19:38-42)*

⁴²⁻⁴³ Иза пIераскан де дара, Далла лерина шоьтан дийнан хьалхара долу де. Рамат цIе йолчу гIалара а волуш, кхеташонехь лоруш волу декъашхо а волуш, ша а Делан Олалле сатуьйсун а волчу Юсупа, тIейогIуш суьйре йолу дела, Пулатана тIе ваха бIо а боьлла, Ийсан дакъа схьадийхира. ⁴⁴ Ийса веллий хиьча, Пулата, цецваьлла, тIеман хьаькам тIе а кхайкхина, хаьттира цуьнга: «Дукха хан юй И велла?» — аьлла. ⁴⁵ ТIеман хьаькамера хаам хилча, цо дакъа Юсупе дIадалийтира. ⁴⁶ Юсупа, кIади а эцна, дакъа жIара тIера схьа а даьккхина, кIади юкьа а хьарчийна, ломах яьккхинчу къубба чу дилира. ТIаккха къуббанан неIарна дуьхьал боккха тIулг карчийра цо. ⁴⁷ Ткъа Магдалера Марем а, Юшан нана Марем а Иза дIа мичахьа вуллу хьобжуш яра.

15:34 Забур 21:2. 15:36 Забур 68:22. 15:38 Арадаккхар 26:31-33. 15:40, 41 Лака 8:2, 3.

*Ийса веллачуьра денвалар**(Маттай 28:1-8; Лака 24:1-12; Яхья 20:1-10)*

16 ¹ Далла лерина шоьтан де дIадаьллачу хенахь Магдалера Марема а, Якъубан нанас Марема а, Шалумата а хаза хьожа йогIу хьакхарш ийцира, уьш Ийсан докъана хьакхархьама. ² Iуьйранна, сатосучу хенахь, кIирандийнахь и зударий къубба йолчу бахара. ³ Цара вовшашка хоьттура: «Къуббанан неIарера тIулг хьан дIабоккхур бу те вайна?» — бохуш.

⁴ Ткъа дIахьаьжча, тIулг дIакарчийна гира зударшна. И тIулг чIогIа боккха бара. ⁵ Уьш къубба чу бевлча, аьтту агIор хиьна, кIайн духар а долуш, кIант гира царна. Уьш чIогIа Iадийнера. ⁶ Ткъа цо элира зударшка: «Кхера ма ло. ЖIарах дIатоьхна хилла Назартера Ийса локху аш? Иза денвелла. И кхузахь вац. ХIара ю Иза охьавиллина хилла меттиг. ⁷ Амма аш, гIой, Цуьнан мурдашка а, Кипе а ала: „Ийса Галилай-махка шул хьалхаваьлла гIур ву, цигахь гур ву шуна Иза, Цо шуьга ма-аллара“».

⁸ Зударий, къубба чуьра ара а бевлла, дIабевдира. Уьш чIогIа кхерабаларна боьхнера, цара цхьаьнгге а хIумма а ца дийшира.

*Ийсас Ша Магдалера Маремана гайтар**(Маттай 28:9, 10; Яхья 20:11-18)*

^{9*} [КIирандийнахь, хьалххе, веллачуьра ден а велла, Ийса хьалха Магдалера, шена чуьра ворхI жин арадаьккхинчу Маремана дуьхьал хIоьттира. ¹⁰ Цо яхана шена гинарг Цуьнца хьалха хиллачаьрга, ткъа хIинца Цунна боьлхуш Iаш болчаьрга дIадийцира. ¹¹ Амма Ийса дийна ву аьлла хезча а, Марема шена Иза гина аьлча а, хIетте а уьш ца тийшира.

*Ийса шина мурдана хьалха дIахIомтар**(Лака 24:13-35)*

¹² Цул тIаьхьа мурдех шинна а, уьш юьрта боьлхучу хенахь, кхечу куьцехь а волуш, дуьхьалхIоьттира Ийса. ¹³ Цара а, юхабирзича, дIахаийтира иза кхечаьрга, амма царах а ца тийшира уьш.

*Ийсас мурдашна тIедиллинар**(Маттай 28:16-20; Лака 24:36-49; Яхья 20:19-23; Векалийн 1:6-8)*

¹⁴ ТIаьхьара а оцу цхьайтта векална а, цара хIума юучу хенахь, дуьхьалхIоьттира Ийса. Цо тIехтуьйхира царна церан тешар ца хилар а, дегнаш шагделла хилар а, уьш Ша веллачуьра денвелла гинчарех а ца

* 16:9-20 Уггар ширачу тептарш тIехь 9-20 яздина дац.

16:7 Маттай 26:32; Марк 14:28.

тешарна. ¹⁵Цо элира цаьрга: «Дуьне мел ду дIа а гIой, массо а адамашна дIакхайкхабе хаза кхаь. ¹⁶Оцу кхоах теша а тешна, ша хих чекхваккий-тинарг, кIелхьарвоккхур ву, ткъа ца тешачунна — кхел хир ю. ¹⁷Ткъа теш-начарна иштта билгалонаш хир ю: Сан царца жинаш а арадохур ду цара, кхечу меттанашца а дуьйцур ду. ¹⁸Цаьрга лаьхьанаш караэцийтича а, я дIовш малийтича а, зе хир дац царна, цара цомгушчарна тIе куьйгаш диллича, цомгушнаш толур бу».

¹⁹Иштта цаьрца къамел динчул тIаьхьа Гийса-Эла, стигала хьала а ваьккхина, Далла аьтту агIор охьахира. ²⁰Ткъа Цуьнан мурдаша, бахана, массанхьа а хаза кхаь кхайкхийра. Везачу Эло гIо дора царна. Мурдаша дахьачу хазачу кхоан дешнаш инзаре билгалонашца чIагIдора Цо.]